

COMMENTATIO ANATOMICO - PHYSIOLOGICA
SISTENS
DISQUISITIONEM
AN VERVM
ORGANORVM DIGESTIONI INSERVIENTIVM
DISCRIMEN INTER ANIMALIA
HERBIVORA CARNIVORA
ET
OMNIVORA
REPERIATUR.



ILLVSTRI FACULTATI MEDICAE GOTTINGENSI

OBLATA

AUCTORE
JANO WEIBEL NEERGAARD
MEDICINAE ET CHIRURGIAE DOCTORE
LECTORE ARTIS SCIENTIAEQVE VETERINARIAE IN REGIA
METROPOLI HAFNIENSI ET COMMISSIONIS AD SUPPLENDOS
EXERCITVS EQVOS ASSESSORE.

Annexae sunt III tabulae aeneae.

GOTTINGAE
TYPIS HENRICI DIETERICH.
c1844.

THE UNIVERSITY OF CHICAGO PRESS

THE UNIVERSITY OF CHICAGO PRESS

CHICAGO, ILL.

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

CHICAGO, ILL.

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

V I R O

ILLVSTRISSIMO ATQVE EXCELLENTISSIMO

CHRISTIANO DITLEV FRIDERICO

COMITI DE REVENTLOW

EQVITI ORDINIS REGII ELEPHANTINI

REGIS DANICI MINISTRO

A CONSILIIS INTERIORIBVS PRINCIPI ETC.

V I R O

ILLVSTRISSIMO ATQVE EXCELLENTISSIMO

ADAMO WILHELMO DE HAUCH

EQVITI ORDINIS REGII DANNEBROGENSIS

DESIGNATO IN AVLA PRIMO

CVEICVLI PRINCIPALIS ARBITRO

STABVLI REGII MAGISTRO ETC.

V I R O

ILLVSTRISSIMO ATQVE EXCELLENTISSIMO

FRIDER. CHRISTIANO AVGVSTO
DE ROEPSTORFF

CVBICVLI PRINCIPALIS ARBITRO

STABVLI REGII MAGISTRO ETC.

V I R I S

MVNERVM PVBLICORVM SPLENDORE ET MERITIS

C E L E B E R R I M I S

FAVTOBIBVS SVIS CLEMENTISSIMIS

OMNI HONORE ET AMORIS AFFECTV

IN SERAM AETATEM PROSEQVENDIS.

V I R O

PERILLVSTRI ET CELEBERRIMO

IOAN. FRIDERICO BLVMENBACH

CONSILIARIO REGIO MAGNAE BRITANNIAE AVLICO
ACADEMIAE GEORGIAE AVGVSTAE PROFSSORI
MEDICINAE ORDINARIO

P R A E C E P T O R I S V O

GRATA MENTE SEMPER COLENDO

H V N C C E L I B E L L V M

TANQVAM PVBLICVM VENERATIONIS DOCVMENTVM

VOVET ET CONSECRAT

A V C T O R.

DISQVISITIO
AN VERVM
ORGANORVM DIGESTIONI INSERVIENTIVM
DISCRIMEN INTER ANIMALIA
HERBIVORA, CARNIVORA, ET OMNIVORA
REPERIATUR.

Priusquam inuestigemus, an verum organorum digestionis inservientium discrimen in animalibus herbiuoris, carniuoris et omniuoris occurrat, partes hoc officium exercentes ipsas indagare et breuiter demonstrare, nostrum erit. Inter animalia herbis nutrita hocce memorabile deprehendimus, alteram classem, alimenta deglutita absque ruminatione digerere, alteram vero ruminationis ope illa ita tractare, vt ad resoluendum apta fiant. Ex vtraque classe nonnulla ad varietatem, quam credunt, structurae expediendam exempla proponimus; dum ex illa imprimis equum, ex hac bouem, e carniuoris canem, et ex omniuoris suem in medium proferamus, non neglectis etiam quibusdam animalibus, scopo nostro idoneis. Organorum descriptiones omnes ex propriis et repetitis sectionibus compositae sunt. Nec ad exprimendam fidem et naturam consentaneam imaginem alios scriptores consulimus. Vnde accidit, vt quae in libris reperiuntur,

ab iis multifarie valde diffideamus, et varia, ab aliis, aut prorsus neglecta, aut leuiter adumbrata, altius rimari conati simus. Si anatomicam cuiuslibet animalis descriptionem seueriori oculo perlusires, equi et canis organa maiori cura, suilla vero minori adumbrata reperies, easque solas pecorum partes proposito nostro idoneas. Causa huius dissimilitudinis inde petenda est, quod animalia semper saginata ad descriptiones prorsus incongrua acceperim, et ego quoque in dissecando equo atque cane iam prius multum temporis impenderim. Omnia, quae protuli, animalia, quam accuratissime describere, animum primum mihi fuit. Attamen aliae, quibus vacare meum erat, disciplinae perpauca mihi otium impertierunt, et cadauerum defectus me simul impedierunt, quo minus res ad propositum finem ducere possem. Vnde singulas partes non aequali ratione descriptas, alteras e. g. pharyngei in equo, et iecur in cane prolixius, alteras vero breuius elaboratas videbis. Interea, quae occasio obtulerat, omnia in usum nostrum convertere operam dedimus. Quorum denique animalium organis enucleatis, confectaria ipsa oblaturi sumus, hominem simul non omittentes, quatenus ille aut herbivorum aut carnivororum classi annumerandus sit.

C A P V T I.

E Q V I ¹⁾.

Viscera, digestionem adiuuantia.

§. I.

Vt in homine, ita in equo organa digerentia in duas partes dispescuntur; altera tubum alimentarium, faucibus orientem, anoque exitum habentem, amplectitur, qui alimenta accipit et resoluit, chylum progenitum vasis absorbentibus committit, et inutilia e corpore extrudit. Altera proprios secernit humores, qui in tubum cibarium inducti, ad alimenta resoluenda chylumque eliciendum multa conferunt. Hepar, lien et pancreas hoc munere funguntur. Quae

- ¹⁾ E pluribus, quos dissecui, equis optimum selegi, pro demonstratione nostra maxime idoneum. Necatus est ob offis fracturam, unde apparet, sequentem descriptionem ex recentibus sanisque visceribus depromptam esse. Bona ille fuit indole atque habitu externo (vt dicunt von ziemlich edler Race), quoad sexum equa, septimumque egit annum; cuius altitudo a terra ad processus usque spinosos vertebrarum thoracis (der Wiederrüst dictum) erat 5', longitudo ab orificio ani ad insertionem usque, vbi scapula cum osse humeri cohaeret 5' 3'', et ab orificio ani ad narium apicem 8' 9''. Omnes sequentes dimensiones ex hoc equo desumptae sunt.

quidem varia organa, pharynge magnaue oesophagi parte exceptis, *peritonaeo* obuoluta, abdominis cauo inhaerent. Haec membrana ut in homine simplex est, extrinsecus contextu celluloso obiecta, quo partibus vicinis annectitur, intrinsecus glabra et humida. Peculiarem format saccum, organa tantummodo chylopoëtica inuoluentem, et internam musculorum abdominalium superficiem, posterioremque diaphragmatis et aliquam vesicae urinae partem inuoluentem, dum ultimum intestini recti finem absque inuolucro egredi finit, nec Aortam, venam cauam, renes et vasa amittit. Denique varios processus, mesenterium scilicet, mesocolon, omenta, et nonnulla ligamenta versus interiora ablegat.

§. II.

Pharynx amplum saccum tum muscularem, tum membranaceum format. Versus anteriora cum faucibus tuba Eustachii et osse sphenoideo palatinoque, ab utroque latere cum osse hyoideo cohaeret, superne cum vertebrae colli ope telae mucosae, tenuem quasi membranam gignentis, et fasciculos musculares obtegentis. Qua quidem adempta, prima et vera pharyngis tunica in conspectum venit. Carnosa est, ex tredecim musculis coalita, qui, uno excepto, sex paria component. Musculus *pterygopalato-pharyngeus* ab osse palatino et processu pterygoideo ossis sphenoidei ortus, in superiorem pharyngis partem abit, quam inter deglutendum dilatat, sursumque trahit. An musculus stylopharyngeus in equo deficientis partes agat? Musculus *ceratopharyngeus* a cornu ossis hyoidei maiori obortus, sursum tendit, inque pharyn-

gem a priori musculo paululum obtectus, fibras spargit. Cauum pharyngis augere videtur. Musculus *hyopharyngeus* a corpore ossis hyoidei proueniens, in posteriorem pharyngis partem discedit, et pharyngem coarctat. Musculus *thyreopharyngeus* a cartilagine thyreoidea, musculus *cricopharyngeus* a cartilagine cricoidea, et *arytaenopharyngeus* a cartilagine arytaenoidea profecti, hanc partem dilatant. Aliud sub hisce musculis firatum fibrarum semicircularium latet, vtrique laryngis lateri adhaerens, et pharyngis cauum coarctans, alimenta in oesophagum propellit. Membrana intus musculi obliniuntur, pituitariae narium et palati continua. E tela cellulosa stipata, vasis numerosis et folliculis mucosis conflata est. Quae quidem sinuata e faucium nariumque cauo pharyngem intret, ab initio pulposa et rubicunda apparet, deinde vero versus oesophagum plicam transversalem formans faciem mutat, maiorem induit duritiem, et in membranam fere tendineam conuertitur colore albido, illam ad ventriculum vsque comitante.

§. III.

Pharynx in *oesophagum* terminatur, qui quoad longitudinem equi altitudinem superare non solet ²⁾, quamuis accidere possit, vt canalıs ob variam colli longitudinem paululum breuior aut longior appareat. Diametrus oesophagi aere tumefacti fuit 2'' ³⁾. In collo inter columnam verte-

²⁾ Id est 5'. BOURGELAT contra 3½' tantummodo profert, quod nobis nimis breue videtur.

³⁾ BOURGELAT 2'' — 3'' assumit.

bralem et arteriam asperam *situs*, sinistrorsum aliquid flectitur. Hac ratione in situ declivi versus thoracem descendit, mediastinum superius horizontali modo percurrit, et columnam vertebralem superne attingit, versus inferiora asperam arteriam et pericardium. Tandem hiatum diaphragmatis oesophageum paululum sinistrorsum situm perforans, abdominis cauum ingreditur, et paulo post oblique cum ventriculo iungitur, quocum angulum plus minusue acutum format. Superficiem eius externam tela mucosa vbilibet cingit, qua remota, *tunicam muscularem* reperimus, cuius fibrae externae ab oesophagi origine ad ventriculum vsque longitudinales, internae vero non circulari sed spirali modo decurrunt. Quamvis tunicae musculari tanta contrahendi insit vis, vt parietes in flatu vacuo eius lumen fere occludant, tamen a pabulo descendente magnopere dilatari potest, quo fit, vt tunica muscularis in locum extensum maiorem vim exserere queat.

Succedit subtus continuata *tunica* pharyngis vasculosa, cum musculari telae mucosae ope laxè coniuncta, quaeque, quod supra monuimus, pulpofam iam in pharynge indolem amiserat. In oesophago eius durities, faciesque tendinosa crescit, color albidus remanet, multasque plicas longitudinales gignit. Superficies huius membranae interna glabra est, et humida, muco tenuiori quam in pharynge oblecta. Oesophagi arteriae in collo e carotide, in thorace ex Aorta propullulant. Venas tum iugularis tum azygos excipiunt. Nerui e vago hunc canalem sequuntur.

§. IV.

Ventriculus pone septum transuersum versus vertebrae lumbales et praecipue ad latus sinistrum versus lien situs est. Anterius hepar attingit, et ad latus sinistrum partem diaphragmatis parua ipsam. Posterius intestinis tenuibus, et parti pancreatis transuersali vicinus est, dexterius hepatis, sinisterius lieni, et inferius intestino colo. Ventriculi diameter 4) in equo nostro continebat a curuatura maiori ad minorem 10'', ab vno pariete ad alterum 9½''. Longitudo curuaturae maioris in statu inflato a cardia ad pylorum erat 5' 9½'', curuaturae minoris inter eadem orificia 7''. Totus igitur ventriculi ambitus 4½' continebat. Longitudo curuaturae maioris in statu collapso 5' 3'', curuaturae minoris 6''. Ventriculus aqua impletus 51½ libras complexus est. Figura 5) ventriculi impleti eiusque forma externa fere semilunaris, reni equino valde similis apparet, qua in conditione fundus superius et posterius, pylorus anterior et inferior, curuatura maior versus inferiora et sinistra, et minor versus superiora atque dextra spectat. Cuius *superficies* quoque obliquam seruant lineam, dum ad anteriora et posteriora non accurate vergunt, sed oblique descendunt. Superficies anterior ab hepate ad colon tendit, et sinistrorsum partem

4) BOURGELAT ventriculi ambitum tantummodo computat, qui in statu huius visceris collapso 1' in efflato 3' ad 4' indicavit, quae tamen computatio nobis incerta, nec varias ventriculi dimensiones accurate exprimere videtur.

5) DAUBENTON. T. IV. Tab. 5. Fig. 1. Tabula nostra II. Fig. 1.

diaphragmatis paruum attingit, posterior vero ad intestina tenuia vertitur. Attamen varius superficialium situs a ventriculo plus minusue expanso ut in homine proficiscitur. Duplex *curvatura* ventriculi superficies includit, altera maior deorsum et sinistrorsum sita, altera minor excavata sursum et dextrorsum tendens. Versus partem sinistram ventriculus in *fundum* seu saccum coecum terminatur. Ventriculo euacuato, manifestam et notabilem observabis incisuram, a curvatura minori ad maiorem decurrentem, et saccum coecum a reliqua parte ita diuidentem, ut duplicem fere ventriculum coniicere possis. Duo huic visceri sunt *orificia*, tum anterius, tum posterius. Anterius cardia dictum, cum oesophago cohaerens, cumque eo angulum supra commemoratum formans, alius posteriori situm est; posterius pylorus ^o) appellatum, magis depressum a priori 5" vel 6" tantum distat, et in intestinum tenue se subducit, ubi lenem videbis incisuram, a fibris tunicae muscularis circularibus, quae pylori valvulam formant, obortam. Huius orificii durities atque crassities maior deprehenditur.

Ventriculi substantia crassa apparet, et densa firmaque, quae ex quinque *tunicis* componitur. *Prima* et externa a peritoneo originem petit, quippe quod ab hepate liene et septo transverso ad ventriculum pergat. Superficies eius externa glabra est et humida, interna vero magis cellulosa inter strata muscularia altius descendit, eaque firmat.

^o) Tab. II. Fig. 1. (B).

In curuatura minori duo ligamenta format ⁷⁾, quae ab vno orificio ad alterum tendentia, impediunt, quo minus ostia a se inuicem remoueantur, id quod ligamentis discissis ventriculoque inflato, obseruatur. Quibus vero curuatura maior caret, et id circo pabulo collecto facile cedit. Quare, ventriculo impleto, pylorus paullulum attollitur, eumque duodeno angulum gignit acutum. — *Resecta* tunica prima, *secunda* vera muscularis sequitur. Fibrae musculares validae et densae varia formant strata, quae variis locis plus minusue accumulatae conspiciuntur, et praecipue saccum coecum ita cingunt, vt crassior duriorque euadat, eiusque facies et habitus a reliqua ventriculi parte valde discrepet. Quae quidem fibrae si decursum respicias, iis analogae sunt, quae ex homine descriptae leguntur ⁸⁾. Primum, quod in oculos incidit, stratum, e fibris oesophagi longitudinalibus originem ducit, quae quando ad ventriculum perueniunt, fere ad stellae modum vndique dissipantur, aliae in curuatura minori ad pylorum viam legunt, aliae diuergerendo vtramque ventriculi superficiem obtegunt, aliae validissimae et numerosissimae saccum coecum velant. Sequitur alterum stratum transuerse ventriculum innoluens, verosque circulos formans. Harum fibRARUM primae et robu-

⁷⁾ BERTIN l. c. vid. infra.

⁸⁾ Diligentem quidem Clariss. BERTIN explicationem (in Mém. de la soc. roy. des sc. Anno 1746. transl. in Froyep. Biblioth. für die vergleichende Anatomie. P. I. St 2. p. 228) dedit, quae tamen nimis arguta videtur, dum fibrae vario modo ita decussantur, vt eorum decursum accurate persequi nequeas.

fliores in fundo cernuntur, et circulis semper maioribus factis, versus pylorum tendunt, in medio ventriculo debiliores, in pylorum rursus fortiores, et in curvatura minori magis accumulatae apparent. Quae quidem a tertio strato cursum obliquum tenente secantur. Hae fibrae, verae sunt oesophagi circularium propagines, cum secundo strato undecumque coniunctae. Fibrae circulares et obliquae circa cardiam et pylorum coacervatae, validos formant annulos et sphincteres, ventriculi orificia probe claudentes.

Sub musculari ⁹⁾ *tertia* et *quarta* tunica expansae cernuntur; duplex est membrana, in una serie continuata, et quoad superficiei internae structuram inter sese diuersa. Altera ¹⁰⁾ versus saccum coecum vera est tunicae oesophagi tendineae continuatio. Plus tertia ventriculi parte scilicet cardiam fundum et medium ventriculi corpus obducit. Alba, uti in oesophago, apparet, firma, densa et tendinosa, multisque plicis ornata, atque maiori, quam tunica muscularis, ambitu. Rugarum omnino varius est situs, in cardia vero longae decurrentes, hocce orificium occludunt. Haec membrana e tela cellulosa stipata texta est, in laminae separabilis. Cuius superficies externa multa vasa accipit, quae tamen non alte eam penetrant. Altera ¹¹⁾ quae pylorum et reli-

⁹⁾ Inter muscularem et tunicam tertiam quartamque nostram BOURGELAT nervosam indicat, a nobis omissam, quippe quae nil nisi vera tela mucosa appareat.

¹⁰⁾ DAUBENTON. T. IV. t. 5. fig. 2. (A). — Tabula nostra II. Fig. 2. (A).

¹¹⁾ Tab. II. Fig. 2. (B).

quam ventriculi partem vestit; membrana, priorem excipiens, ab ea duodenum obtegente, et in ventriculum extensa originem trahit. Glabra ea est, mollis, pulpofa et rugis minus praedita. In eius superficie interna innumeros videbis colliculos, verrucarum speciem prae se ferentes. Vasa, quae accipit, altius eam perforant, et osculis subtilissimis in superficie interna finiuntur. Dum duplex haec membrana inter sese coalescat, duplicatura et margo orbicularis ¹²⁾ gignitur, adeo ut illa tendinosa in hanc mollem non conuertatur, sed utriusque margines ¹³⁾, id quod pluries maceratio me docuit, tela mucosa connectuntur, et utraque mutuo ita sese exhibet, ut oculi sclerotica ad corneam. Qua quidem duplicatura orbiculari versus interiora prominente, et extrorsum incisura quadam indicata, ventriculi ambitus et capacitas in duas quasi partes dirimitur. Utraque membrana humida est, et muco inungitur, qui minus spissus in tendinosa, quam molli cernitur. — Quinta tandem sequitur membrana, vera et continuata oesophagi cuticula. Tertiam distincte, quartam vero obscure oblini.

Multas ventriculus accipit *arterias*, quarum cursus cum eo in hominis ventriculo fere congruit. Curvaturam minorem arteriae coeliacae ramus, scilicet arteria coronaria intrat, quae prima versus cardiam se flectit, et in duos ramos diffunditur, qui in hac curvatura ad pylorum tendentes, ibi inuicem anastomosis iniunt, ramosque super ventriculi latera spargunt. Ab arteria hepatica ramus pyloricus etiam ad hanc curvaturam migrat, ibi-

¹²⁾ Tab. II. Fig. 2. (C).

¹³⁾ Tab. II. Fig. 2. (D).

que cum prioribus coniungitur. Curuaturam maiorem duplex ramus arteriosus amplectitur, alter a latere dextro, arteria gastrophiploica dextra appellatus, ab arteria hepatica proficiscitur, alter a latere sinistro arteria gastrophiploica sinistra dictus, ab arteria lienali prouenit. Duplex arteria curuaturam maiorem ambiens, multos ramos in ventriculi superficies et epiploon ablegat. Fundus tandem ventriculi arterias accipit breues e lienali obortas. — Huius visceris *Venae* eundem tenent cursum, simileque accipiunt nomen, et omnes tandem in venam portarum abeunt. — *Vasa absorbentia* in chyli receptaculo finiuntur. — *Nervi* partim e vago originem trahunt, quippe qui in utroque ventriculi latere distribuuntur, partim e plexu coeliaco, unde multi rami, plexus gastricos formantes proueniunt.

§. V.

Equi *intestina*, uti hominis, in tenuia et crassa dispescuntur, attamen ob situm, decursum, et structuram magnam arguunt varietatem. *Intestinum tenue* omnino originem ducit a pyloro, inque crasso finem ponit. Cuius tota longitudo in equo nostro fuit 72'.¹⁴⁾ Capacitas huius canalisi variat, mox dilatatus, mox coarctatus cernitur, in uniuersum quam in homine amplior¹⁵⁾ euadit, et loca amplissima in statu inflato 2'' 2''' produnt. *Intestinum tenue* a crasso ita

¹⁴⁾ In nonnullis 70' aut 74' inter emetiendum deprehendi. — BOURGELAT 18 vlnas parisienses computat.

¹⁵⁾ BOURGELAT contrarium indicat.

obtegatur, ut infimum abdominis spatium non occupet, et impleat. Eius anfractus nulli ordini adstricti, inter ventriculum, colon et peluium circumferuntur. Quare denuo a nobis non subdividitur, excepto huius initio, quod iure duodenum appellandum est, et legitimum servat situm, propriamque flagitat descriptionem.

*Duodenum*¹⁶⁾ in tres, si decursum¹⁷⁾ respicias, partes diuidi potest, in ramum transuersalem anteriorem, posteriorem, atque longitudinalem, iunctim longitudinem 4' prodentes. A ventriculo ramus transuersalis anterior¹⁸⁾ dextrorsum versus hepar excurrit, cui incumbit. Pyloro vix egressus curuaturam¹⁹⁾ gignit, cuius facies conuexa posterius sita, sacci speciem format, qui eum angulum explet, ubi ramus pancreatis transuersalis cum longitudinali anterieus progrediente connectitur. In statu expanso saccus ille $5\frac{1}{2}$ " continet. Qua quidem curuatura propulsa, ramus ipse extrorsum et anterieus cursum dirigens, anteriorem partis longitudinalis pancreatis finem amplectitur, quocum continue et proxime coniunctus cernitur. Cuius longitudo 7" fuit. Tandem hic ramus posteriorem iecinoris superficiem attingit, et facta flexura in longitudinalem²⁰⁾

¹⁶⁾ Nimis rudis est icon in *Ruini* anatomia del Cauallo. Venet. 1618. Fol. Lib. III. Tab. 3 et 5. duodeni situm proponens; aliam igitur et naturae magis consentaneam in Tab. II. Fig. 1. dedimus.

¹⁷⁾ Descriptionem huius decursus BOURGELAT malam explicauit.

¹⁸⁾ Tab. II. Fig. 1. (O).

¹⁹⁾ Tab. II. Fig. 1. (D).

²⁰⁾ Tab. II. Fig. 1. (E).

abit. Hic ramus secundus sub hepate versus os ilium, et super posteriorem renis dextri finem decurrit. Pollicae hepatis superficiei accurate subiectus in proprio sulco, pro duodeno ibi excauato, progreditur. Sinistrorsum conuexo partis pancreatis longitudinalis margini vicinum est, quacum non arcte, sed ope duplicaturae peritonaei, scilicet ligamenti pancreatico-duodenalis coniungitur. Qui quidem ramus simulac ad posteriorem renis dextri partem profectus sit, nouam format flexuram, abitque in ramum transuersalem posteriorem ²¹⁾. Hisce versus latus sinistrum conuertitur, ventriculo antrorsum appropinquat, et tandem in reliquum intestinum tenue se subducit. Qui quidem duodeni et ventriculi situs iunctim consideratus spatium cingit, quod magnam pancreatis partem suscipit. Interdum tamen hocce non prorsus occlusum vidi. In interna rami transuersalis anterioris superficie ductus hepaticus, et pancreatici sequenti modo hiant. Scilicet quinque pollices pone pylorum tumorem videbis annularem, vnius pollicis magnitudine, membranae internae duplicatura progenitum. Qui duplex ostendit orificium, septo tenui tantummodo separatum, quorum alterum ductus pancreatici maioris, alterum ductus hepatici finem indicat. Si vnum pollicem vltra procedas, alium cernere potes tumorem, sed minorem, eadem ratione exstructum, et ductum pancreaticum minorem excipientem. Denique in interna partis transuersalis anterioris superficie, praecipue in curuatura duodeni sacciformi multae plicae ²²⁾ in conspe-

²¹⁾ Tab. II. Fig. 1. (F).

²²⁾ Tab. II. Fig. 2. (E.)

ctum veniunt; non in longum decurrentes, sed anfractus cerebri gyris similes formantes.

Intestinum tenue omnino e quatuor tunicis componitur. Tunica extima a peritoneo excurrit, quod mesenterium formans, in intestina descendit, eaque inuoluit. Excipit hanc altera muscularis, fibras longitudinales et circulares exhibens, quae versus intestinum coecum crassitie augentur. Tertia est vasculosa, firma, e vasis et tela cellulosa stipata formata, et folliculis mucosis conspersa. Quarta et intima ad spectu est molli et villoso, multasque gignit plicas, quae tamē sine regula propelluntur, neque prominent, in longum magis decurrunt, nec veras formant valuulas conniuentes. Internam totius canalıs superficiem succus entericus semper humectat.

§. VI.

Intestinum crassum in tres partes, in coecum, colon, et rectum diuiditur. Cuius longitudinem, intestino immutato 27' 6'', reperimus ²³⁾, scilicet coeci 5' 6'', coli 12', et recti quoque 12'. Discissis vero ligamentis, quae totum canalem in breuius contrahunt, longitudo ita mutatur, ut coeco sint 6', colo 18', et recto 23' 6''. Capacitas canalıs maxima deprehenditur, humanum valde superans.

Intestinum coecum in abdomine aperto medium fere locum tenet, in utroque latere variis coli anfractibus complexum, qui a posteriori ad anterius versus septum transversum angulum acutum formantes, spatium fere triangulare gignunt,

²³⁾ BOURGELAT quinque vlnas parisienses.

quod coecum recipit ²⁴⁾. Quod quidem intestinum praecipue versus latus dextrum situm est, cuius latissima pars magnum, amplumque arcum exhibens, osse ilium dextro innititur, a colo ita oblecta, ut utraque pars hic tela mucosa connexa appareat. Ab hoc nexu tanquam a puncto fixo, coecum inter primam et secundam coli flexuram ²⁵⁾ per totam inferioris regionis abdominalis longitudinem versus latus sinistrum oblique inclinatum, ad processum sterni ensiformem tendit, et circiter 6'' ab hoc processu adhuc remotum finitur. Hocce intestinum longum et cuneiformem saccum ²⁶⁾ effingit, cuius extremum anterius circiter 12'' liberum, reliqua vero pars mesocolo quodam triangulari, cuius margo anterius spectat, religatum est. Figura coeci haec est. Vbi versus processum ensiformem tendit, extremitas anterior latet, quae accuminata, et clausa, ac processu veruiformi orbata cernitur. Ab hoc loco sensum versus os ilium dextrum tendens, spatium augetur, et magnam format curvaturam, cuius margo posterior valde convexus, anterior excavatus apparet. Uterque tandem margo in alteram et anterius ac extrorsum iacentem abit extremitatem, aequè occlusam, sed rotundam. Quae quidem ab inferiori parte a colo ita obtegatur, ut coecum et colon telae mucosae ope accurate coniuncta sint. Margo excavatus primo intestini tenuis ingressum in coecum exhibet. Cuius extrema

²⁴⁾ DAUBENTON. Tom. IV. Tab. 2. (A B C D). — Tabula nostra I. (A).

²⁵⁾ DAUBENTON. Tom. IV. Tab. 2. (E F).

²⁶⁾ DAUBENTON. Tom. IV. Tab. 3. (A). Tab. 4. Fig. 1. (A B).

pars in hoc immittitur, et ita adigitur, vt illius tunica vasculosa ac intima quodammodo propulsa in huius cauum promineat. Attamen his, vt in homine, vera coli valvula non gignitur, sed intestini tenuis apertura rotunda relinquitur, et tunicae prominentes multas formant plicas, valvulae speciem prae se ferentes, eiusque munere fungentes. Iuxta hunc ingressum circiter 2'' dextrorsum et posterius coeci transitus in colon in conspectum venit. Excrementa omnino in coeco semper fluida deprehenduntur.

Intestinum Colon. Iam monuimus, latum coeci arcum cum colo tela mucosa coaluisse. Qua quidem ablata, inter utramque partem intestinulum breue procedit, utramque connectens, et tunica musculari ita coarctata, vt nonnullae plicae valvulae cuidam similes protrudantur. Hocce intestinulum ²⁷⁾ e coeci loco supra commemorato profiliens, primum ad longitudinem 3'' introrsum procedit, tunc acutum angulum subito formans, dextrorsum et versus exteriora cum alio crure 9'' longo conuertitur, quod conice paulatim dilatatum colon considerandum est. Ab hoc puncto quasi posito, colon ipsum in decursu ²⁸⁾ quatuor strata format, sequenti ratione describenda. Stratum primum ²⁹⁾

²⁷⁾ Hoc intestinulum a Clar. DAUBENTON Tom. IV. Tab. 4. Fig. 1. (EF) quidem delineatum, sed male expressum est, neque ipse longitudinem huius partis aequalem in aliis equis observavi, quam contra multum breviorē vidi.

²⁸⁾ BOURGELAT huncce decursum valde imperfectum enarravit.

²⁹⁾ Tab. I. (B).

dextrorsum et interius versus coecum spectans, cum margine eius interno coecum, et externo siratum quartum ³⁰⁾ attingit. Explicat sese a posteriori ad anteriora versus septum transuersum, vbi facta flexura prima, secundum siratum ³¹⁾ incipit. Hoc a diaphragmate sinistrorsum ad os ilium sinistrum pergit, et versus inferiora et exteriora situm, tum musculis abdominalibus tum tertio sirato vicinum est, et alteram grauemque flexuram facit. Tum tertium siratum sequitur, quod sinistrorsum ab osse ilium sinistro versus diaphragma recurrens, sub angulo acuto ad primum siratum appropinquat, et in eius via introrsum et superius situm, tum coecum tum secundum siratum adlidit. Septum transuersum attingens, tertiam ponit flexuram, et in quartum siratum transit. Hoc dextrorsum et versus posteriora et externa positum, ad os ilium dextrum redeuns, tum musculis abdominalibus, tum primo sirato conterminum est. Tandem quarta et vltima flexura, ab inferiori ad superius conuersa, in latere dextro haud procul a pelui formata, colon in rectum se subducit.

Capacitas huius canalis in eius tractu valde variat. Primi et secundi sirati ³²⁾ ambitus late patet, sed in flexura altera ita angustatur, vt tertium ³³⁾ angustissimum cernatur. Versus flexuram tertiam rursus amplior fit, adeo vt quartum siratum amplissimum euadat; praesertim ad peluin

³⁰⁾ Tab. I. (C). ³¹⁾ Tab. I. (D).

³²⁾ DAUBENTON. Tom. IV. Tab. 3. (FI).

³³⁾ DAUBENTON le (M).

maxime dilatatum deprehenditur ³⁴⁾, vbi sacco quodam propulso, conicam induit formam ³⁵⁾, et in angustius rectum abit. Hoc intestino a faecibus tantummodo expanso, diametrum coeci in equo nostro $9\frac{1}{2}''$ reperi, primi et secundi strati $9''$, tertii in aliis locis $5''$ in aliis $4'' - 3\frac{1}{2}''$, et quarti versus rectum $10''$.

Intestinum rectum in vertebrae lumbalibus originem ducit, multos in hisce et osse sacro anfractus format, et serpentino modo in anum terminatur. Quoad capacitatem colo multo minor est, eiusque diametrus $3\frac{1}{2}''$ continet. In statu euacuato hoc collapsum, scybalis vero valde expansum quoque videbis.

§. VII.

Si intestini coeci et coli *structuram* obserues, haec videbis. Tunica externa a mesocolo proficiscitur, eaque inuoluit. — Altera muscularis e fibris longitudinalibus et circularibus composita est. Longitudinales fasciculi, ligamenta coli appellati, in extremitate coeci occlusa ita oriuntur, vt tria ligamenta ibi cernere possis, quae pari intervallo in illo incedunt. Incipiente vero colo, quatuor apparent ligamenta, pari et aequo spatio inter sese separata. Vbi tertium stratum initium facit, omnia ligamenta euanescent, nec vllum animaduertimus vestigium. Quare habitus primi et secundi strati externus ab eo tertii valde abhorret, dum priora ob ligamenta nimis adstricta, sacciformem et quasi inscissam

³⁴⁾ DAUBENTON lc. (O).

³⁵⁾ Haec forma a DAUBENTON in iconibus prorsus neglecta est.

faciem produnt, quam tertium desiderat, et fere aequam superficiem monstrat. Tertia flexura producta, tria nova ligamenta exsurgunt, quae in quarto sirato versus intestinum rectum descendunt, ubi vno cessante, duo reliqua tantum in hoc transeunt. Fasciculi musculosi circulares super totum colon explicati et diffusi sunt. — Tunica vasculosa et intima omnino eandem, quam in tenui, indolem servat, eiusque superficies interna maiorem muci copiam tantum offert. Maximam intestini recti partem peritoneum quoque involuit, et parvam tantummodo versus ani orificium intactam relinquit, tela mucosa sola obnolutam. Tunica muscularis huius intestini robustior apparet, dum duo ligamenta a colo profecta, primum immutata in recti lateribus decurrunt, donec versus ani orificium, fasciculis explicatis, totam superficiem ambiant, perfectamque tunicam muscularem extruant. Tunica vasculosa multas exhibet plicas, quae a ligamentis prioribus adstrictis progenitae, ad formanda scybala plurima conferunt.

Orificium ani in circuitu eminentiam annularem monstrat, ubi duo ligamenta et nonnulli muscoli ad situm recti servandum inferuntur. Haec ligamenta a primis ossis coccygis vertebrae profecta, ad rectum descendunt, et in duos fasciculos diffusa intestinum complectuntur, ibique finiuntur. Musculi, qui, eiecto stercore, intestinum aliquid protrusum retrahunt, summo iure retrahentes appellandi sunt, quippe qui eodem, quo levatores in homine, munere fungantur. Duo sunt, qui ab interna et superiori ossis ilium parte oborti, iuxta intestinum rectum descendentes, fibris sphincteris

ani commifcentur. — Sphincter ani ipfe nonnullos pollices latus e fasciculis muscularibus componitur, qui inteftinum forma circulari ambiunt, furfum et deorfum confluunt, et externe cuti affixi funt.

§. VIII.

Mefenterium et *Mefocolon* inteftinis magna afferunt emolumenta, dum horum fitum tuentur, iis fanguinem aduehunt, chylumque a vasis lacteis abforptum ductui thoracico committunt. Neque *Meforectum* omittendum eft, quod, excepto chylum abforbendi munere, iisdem praeft negotiis. Omnia e plicis et duplicaturis peritonaei formantur, quod a vertebriis lumborum ortum, cum duabus laminis inteftina adit. Quibus quidem tela mucofa nectens, atque vafa interpofita funt, quaeque inteftinis appropinquantes ab inuicem difcedunt, eaque cingentes tunicam gignunt extimam. — *Arteriae* in hisce duplicaturis progredientes, ex Aorta profiliunt. Arteria mefenterica anterior ex inferiori Aortae fuperficie propullulat, haud procul fub coeliaca. Initio amplior eft, et inaequalis; ad inteftinum tenue multos fed exiliores ramos ablegat, maiores vero et capaciores ad craffum. Omnes rami nullas, vti in homine, anafomofes faciunt; fed rectum curfum tenent, ad eum vsque locum, vbi in tunica vasculofa diftribuuntur. Arteria mefenterica posterior ex Aorta prius, quam in hypogafticas difpescitur, prouenit. Priori minus ampla et dilatata eft, inque plures ramos craffum tantum adeuntes dirimitur. — *Venae* praecipue earum ramificationes multo numeroſiores cernuntur, omnesque fan-

guinem in vena portarum effundunt. — *Nervi* e plexibus abdominalibus exsurgunt, vasisque ad intestinā cōmitantur. — *Glandulae conglobatae* vbicunque dissipatae sunt. In mesenterio non tam copiosae et magnae quam in mesocoloprehenduntur, in mesorecto non videntur. Quarum omnino magnitudo, cum ea totius equi in proportionē non est. Neque vt in aliis animalibus coacervatae sunt, quare in equo pancreas Asellii deest. — *Vasa lactea* in intestinorum cauo originem trahunt, tenuia sunt, primum glandularum ordinem perforant, et crassiora facta, ad alteram glandularum seriem properant, easdem transeunt, et in cysterne chyli finiuntur.

§. IX.

Omenti situs ab eo in homine prorsus discrepat. Neque ante intestina explicatum est, neque inter aperiendum abdomen extemplo in conspectum venit, neque versus peluim decurrit. Multo magis inter ventriculum, et intestinum tenue et crassum quasi coagmentatum et complicatum latet. Curvaturae ventriculi maiori a sacco coeco ad pylorum vsque inhaeret, dextrorsum ad duodenum, sinistrorsum ad lienem expansum, extenditur in longitudine vnius pedis ad colon, quo cum eo, vbi flexuram gignit, loco connectitur. Omentum tenue est, plerumque adipem continet, et processus peritonaei a curvatura ventriculi maiori pendens, considerandus est.

§. X.

Hepar latus anterior et imprimis abdominis dextrum occupat. Conterminum est antrorsum septo transverso, pone se tum ventriculo tum intestinis; ad latus dextrum continuatum posterius ad ren usque descendit. Superne columnam vertebralem vasaque magna et versus inferiora colon attingit. Eius ambitus ³⁶⁾ 5'. continebat, et pondus in equo nostro $9\frac{3}{4}$ libr. fuit, quamvis interdum 7 - 8 libr. in aliis tantum reperimus. Colorem servat fere atrum. Hocce viscus, ligamentis quibusdam deinde describendis cum diaphragmate connectitur.

Hepar in tres lobos dispescitur, scilicet, in dextrum, sinistrum, et medium. *Lobus dexter* ³⁷⁾ maximus est, et triangularem fere formam induit. Margo eius internus ad inferiora ut plurimum in recta longitudine tendit, mediumque lobum allidit. Omnium longissimus est. Margo superior et externus plerumque brevissimus apparet, oblique extrorsum et inferius descendit, ubi ligamento laterali, quod forma triangulari a peritoneo proficiscitur, cum diaphragmate connectitur. Superne latum gignit sinum ³⁸⁾ ad accipiendam anteriorem renis dextri extremitatem exstructum. Margo inferior et externus acutissimus deprehenditur, et oblique introrsum et inferius decurrit. Totus lobus tres format angulos. In superiori ³⁹⁾ vena caua hepatis sub-

³⁶⁾ BOURGELAT $2\frac{1}{2}$ indicat.

³⁷⁾ Tab. II. Fig. 3. (A).

³⁸⁾ Tab. II. Fig. 3. (B).

³⁹⁾ Tab. II. Fig. 3. (C).

stantiam aggreditur, inferior magis obtusus, et externus acutus est, ubi ligamentum iam dictum laterale finitur. Huius lobi longitudo e loco eius superiori ad angulum vsque inferiorem indicat $1' 3''$, latitudo a margine interno ad angulum externum $10\frac{1}{2}''$, crassities maxima $3''$. Anterior illius superficies conuexa cernitur, septumque transuersum tangit, posterior leniter concaua cum colo in contactu est. Cui lobulus ⁴⁰⁾ quidam adhaeret, figura pyramidalis et ligamento laterali suffultus, qui tum marginem superiorem et externum in conficienda pro rene dextro fossa, tum lobum dextrum in exstruendo pro ramo duodeni longitudinali sulco ⁴¹⁾ adiuuat. Huius lobuli longitudo fuit $3''$, et maxima latitudo $1\frac{1}{2}''$.

Lobus sinister ⁴²⁾ semilunarem exhibet formam. Margo eius conuexus acutus simul et longissimus extrorsum vertitur, cum diaphragmate ligamenti similis lateralis ope coniunctus. Margo concauus introrsum latet, lobo medio vicinus. Huius sinistri lobi superficies anterior et conuexa septum transuersum spectat, posterior et concaua ventriculum attingit. Cuius longitudo est $1' 4''$, latitudo $9''$ maxima crassities $2''$.

Lobus medius ⁴³⁾ irregularem ostendit figuram, minimus est, neque tam longe descendit. In plures paruosque et inae-

⁴⁰⁾ Tab. II. Fig. 3. (D).

⁴¹⁾ Tab. II. Fig. 3. (E).

⁴²⁾ Tab. II. Fig. 3. (F).

⁴³⁾ Tab. II. Fig. 3. (G).

quales lobulos discedit, quorum quinque in nostro equo, in aliis interdum tres vel quatuor vidimus. Anterior et conuexa superficies ligamento quodam, falciforme appellato, cum diaphragmate connectitur. Quod quidem a peritonaei plica proficiscitur, quae ab umbilico orta, et conuexam huius lobi superficiem supergressa in septo transuerso cessat. Lobi longitudo 8'' efficit, latitudo $9\frac{1}{2}''$, crassities $1\frac{3}{4}''$.

Qui quidem tres lobi, versus superiora in vnicam massam ⁴⁴⁾ confluunt, cui duae sunt superficies, altera antrorsum altera posterius spectans, a margine concauo et acuto ad spinam dorsi conuerso inuicem se iunctae, in quo fulcum accipiendo oesophago aptum videbis. Superficies anterior diaphragma offendit, ubi eminentia quaedam oblonga conspicitur, exinde oborta, quod a superiori lobi dextri angulo vena caua hepatis parenchyma ita penetrat, vt ab hoc plerumque prorsus cingatur. Quae quidem vena ab angulo commemorato oblique a superiori ad inferius et a dextro ad sinistrum latus descendens, in superiori lobi medii parte é substantia denuo emicat. Hoc etiam loco hepar latitudine 6 - 8 pollicum cum diaphragmate accurate cohacret, quocum peritoneo nudatum, filamentis albis, eiusque substantiae firmiter infixis connectitur. Superficies posterior amplum in media parte sinum ⁴⁵⁾ ostendit, pro porta habendum, dum venam portarum ad hepar ducit. Quo in sinu multa apparent foramina, quorum alia venae portarum,

⁴⁴⁾ Tab. II. Fig. 3. (H).

⁴⁵⁾ Tab. II. Fig. 3. (I).

alia arteriae hepaticae rami transeunt, et ex nonnullis ductus hepatici emicant ramuli.

Extima iecinoris *tunica* a peritonaeo repetenda est, quod a diaphragmate descendens, hepatis parenchyma inuoluit. Qua quidem remota, tenue telae mucosae stratum reperies, extrorsum cum tunica extima coniunctum, introrsum vero in hepatis substantiam subtilissimos ablegat procellus ⁴⁶⁾. Parenchyma iecinoris proprium e paruulis corporibus, e vasis et tela mucosa subtili, vt verisimile videtur, exstructis coaceruatum est.

Varia sunt hepatis *vasa*, variisque funguntur muneribus.

1) Vasa quae sanguinem hepati afferunt.

Venae portarum *) truncus ex omnibus, quae e systemate chylopoetico sanguinem reuehunt, venis¹ originem trahit. Quem quidem non omnes solum intestini tum tenuis tum crassi, ventriculi omenti et mesenterii venae ingrediuntur, sed splenica etiam, quae a latere ventriculi sinistro venas breues et gastrophyploicam sinistram excipit. Omnia haec vasa, vbi pancreas duodenum appropinquat, ibi collecta, venae portarum truncum formant. Qui pancreati innixus inter hepar ventriculum et duodenum situs est. Versus latus dextrum longitudine 4-5 pollicum oblique tendit, et portam transeuns, hepar attingit, vbi per omnem huius visceris substantiam ramos vndecunque late disseminat, adeo vt eorum extrema cum venis hepaticis et ductibus biliferis coalescant, et anastomoses ineant.

⁴⁶⁾ BOURGELAT hoc stratum veram membranam censet, quare hepati duo inuolucra adscribit.

*) Tab. II. Fig. 2. (K).

Arteria hepatica sanguinem quoque ad iecur mittit. E coeliaca profiliens, in latus dextrum atque hepar oblique decurrit. Propulsis arteria pylorica, gastroepiploica dextra et nonnullis ramis pancreaticis, iuxta venam portarum eundem sulcum intrat, et in plures ramos diffissa per hepatis substantiam dispergitur.

2) Vasa, quae bilem excipiunt, et euehant.

Ductus biliferi tenuiores ex hepatis parenchymate absque dubio e venae portarum finibus promanant, ad portam decurrunt, et venae portarum ramis adiacent. Qui quidem ductus, a medio et sinistro lobo proficiscuntur, primi *ductum hepaticum* componunt, qui vero e dextro propullulant, singulos primum canales gignunt, in communem tandem abeuntes. Ductus hepatici diametrus in statu euacuato $\frac{1}{2}$ " in inflato 1" lata est. Ductus ipse in porta collocatus, ex hepate egreditur, et in decursu 3" elongatus, ad duodenum peruenit, cuius tunicas 5" pone pylorum subito perforat, neque paullatim ut in duodeno humano earum rnam post alteram descendendo peruadit. Qui tandem cum ductu pancreatico maiori coniunctus in duodeno aperitur, ubi aperiendi modus iam supra descriptus est. Hicce ductus biliosus non ut in homine choledochus appellandus est, e ductu hepatis et cystico compositus. Cum enim equus vesicula fellea et ductu cystico orbatus sit, ille simplex et iure ductus hepaticus censendus relinquitur.

3) Vasa, quae sanguinem in venam cauam reuehant.

Venae hepaticae hoc munere occupatae sunt. Nam vena caua a vertebrae lumbalibus ad latus dextrum hepar

attingit, iuxta quod ad septum transuersum tendit. In hoc decursu tres vel quatuor venas hepaticas ex iecinoris lobis prodeuntes excipit.

4) *Vasa absorbentia* sub hepatis inuolucro vbilibet apparent, tum in superficie conuexa tum concava. Plerumque in porta colliguntur, inque cystemam chyli abeunt.

Nervi plexum hepaticum componunt, a paris vagi ramis et plexu abdominali proficiscentem. Hepatis portam transgrediuntur, vasa ibi cingunt, et in hepatis substantia euanescent.

§. XI.

Lien latus sinistrum occupat. Forma eius falciformis apparet. Extremitas lata sursum et posterius sita, reni sinistro vicina est, extremitas acuta inferius et antrorsum posita, ventriculum allidit, margo concavus antrorsum et superne, conuexus posterius et inferius collocatus est. Splenis longitudo valde variabilis, in nostro equo $21\frac{1}{2}$ ", latitudo maxima 9", crassities media in parte $1\frac{1}{4}$ " et pondus $2\frac{3}{4}$ libr: indicarunt. Color huius visceris fuscus est. Duae sunt huic visceri superficies, altera externa conuexa et glabra versus costas sita, altera interna concava ventriculum et ren sinistrum spectans minus glabra, vbi versus marginem superiorem sulcus deprehenditur multis pertusus foraminibus, quae vasa splenica perforant. Inuolucrum lienis simplex est, a peritonaeo veniens, quod hocce viscus inuoluit, et ad ventriculum transgrediens in epiploon se subducit. Sub quo eadem, quam in hepate vidimus, tela mucosa expansa latet,

eadem ratione viscus penetrans. — *Arteria lienalis* a coeliaca proficiscens sub ventriculo serpit, et in substantiam transit. *Vena lienalis* ab hoc viscere oborta in venam portarum finitur. *Vasa lymphatica* numerosissima vasa rubra involuunt, et a cysterne chyli excipiuntur. *Nervi* plexum formant lienalem a plexu semilunari propullulantem, qui vasa rubra comitantes in lienis parenchyma abeunt.

§. XII.

Pancreas anteriorem spatii a duodeno et ventriculo inclusi partem occupat. Antrorsum ventriculum attingit et partem duodeni transversalem anteriorem, retrorsum utrumque ren, dextrorsum partem duodeni longitudinalem, et sinisterorsum splen; subtus est colon, quocum arcte cohaeret, versus superiora a vena caua portarum et aorta obtegitur. *Pancreas* a ramo transversali et longitudinali componitur. *Ramus transversalis* ⁴⁷⁾ a latere sinistro ad dextrum excurrit, dum a sinistro lien et extremitatem renis sinistri anteriorem allidit. Cuius longitudo est $14\frac{1}{2}''$ maxima crassities $1''$, latitudo media in parte $2\frac{1}{2}''$. Duplex ei est margo; anterior scilicet convexus in medio eminentiam quandam ostendit, quae dextrorsum in superficiem excavatam abit, ad duodeni saccum suscipiendum aptam, sinisterorsum acutus euadit, cum ventriculi fundo coniunctus. Posterior concavus apparet, et vterque margo sinisterorsum in apicem se subducit.

⁴⁷⁾ Tab. II. Fig. 1. (G).

Simulac ramus transuersalis ad duodenum proprius accedat, *longitudinalis* ⁴⁸⁾ incipit, summo iure caput pancreatis habendus. Qui quidem ab anteriori ad posterius extenditur, secundum partis longitudinalis duodeni decursum. Maxima huius pars antrosum hepatis, reliqua retrorsum reni dextro adiacet, ubi maiorem arcum format. Cuius longitudo est 1' 2'', maxima lätitudo 3'', et crassities finis posterioris $\frac{3}{4}$ '' . Semilunarem praebet figuram, adeo ut margo conuexus ad ramum duodeni longitudinalem, concavus vero ad corpus pancreatis spectet. Extremitas huius rami anterior, cum ramo transuersali duodeni anteriori accurate connectitur, dum ductus pancreaticus duodenum hic perforat; extremitas posterior reni dextro adiacet, margo conuexus versus duodenum situs non ipse illud allidit, sed peritonaei duplicatura ligamento scilicet pancreatico duodenali cum illo coniungitur. Pondus totius visceris summam 20 vnciarum efficit. Pancreatis substantia ei similis est, e qua reliquae glandulae conglomeratae salinales exstructae sunt. Quare ex acinis telae mucosae ope inter sese coniunctis componitur, unde canales paruuli in capaciorem abeuntes profiliunt. Qui quidem *ductus pancreaticus maior* e duplici canale modice robusto, altero ramum transuersalem, altero longitudinalem anteriorem percurrente, et medio in pancreate sese coniungente originem trahit. Ille duodenum appropinquans, cumque hepatico connexus, propria apud duodenum iam descripta apertura tandem finitur. Ex parte rami longitudinalis posteriori alter sed *minor ductus pancreaticus* prodit,

⁴⁸⁾ Tab. II. Fig. 1. (H).

brenisque canalis est, qui sub priori propria et aequa apertura in duodenum cessat. Hocce viscus arterias accipit, partim ex hepatica partim lienali, et comitantes venae in venam portarum abeunt. Nerui e plexu abdominali originem trahunt.

CAPUT II. VENTRICULI PECORIS.

§. XIII.

Oesophagus a pharynge obortus, in collo ita decurrit, ut superne a columna vertebrali obtegatur, et versus inferiora asperam arteriam attingat. In situ obliquo descendit, thoracem percurrit, et in ventriculo peculiari modo deinde describendo finitur. Eius longitudo est 5' 6'', latitudo 2' 3''. Tunica eius muscularis, validissima cernitur, duplex formans fibrarum muscularium stratum, quae tortuosae decurrunt, et inter descendendum vndecunque sese decussant ¹⁾. Huic subdita est vasculosa, quam intima sequitur, glabra et tendinea apparens.

§. XIV.

Ruminantium ventriculus ²⁾ ob peculiare, quod subit, munus, ab eo reliquorum animalium multifarie abhorret, quem itaque hic describendum apud nos constituimus.

¹⁾ PEYER *Merycologia* icon 12.

²⁾ Generalem ventriculorum conspectum dedit. PEYER l. c. icon: I.
CAMPER *Lessen over de thans zweevende Vee스터fte Lecuwar-*

Ventriculus primus ³⁾ rumen appellatur, seu ingluvies. In statu animalis adulto omnium maximus est, eiusque longitudo est 3', latitudo 2', in vitulo neonato parvus ⁴⁾, qui ciborum congerie paulatim extenditur. Capacitas eius per ampla immensam pabuli copiam ad 50 libras suscipere potest. In statu non impleto ad latus sinistrum magis vergit ⁵⁾, in impleto vero ad latus dextrum et ad anteriorem vesicae finem quoque expanditur. Antrorsum cum diaphragmate cohaerens, unam oesophagi partem excipit; retrorsum cum liene, rene sinistro, et pancreate ligamentis coniunctus est. Forma eius irregularis in conspectum venit, dum versus superiora et inferiora planus apparet, et in ambitu magis globosus, versus posteriora in duos processus excurrit, profundo sulco a se inuicem separatos, et antrorsum in alterum finitur, collum appellatum, atque reliqua ingluviei parte incisura etiam seiunctum. Aperto rumine magnum media in parte antrum observatur, et tres aliae caernae, quarum orificia in magnum hiant. Media illarum et posterior cum maiori solummodo connectuntur, anterior vero quoque cum oesophago. Quarum quidem caernularum usus in eo po-

den 1769. 8. Fig. I, et situm in oue. DAUBENTON Tom. IV. Tab. 3. Tom. V. Tab. 15 - 18.

³⁾ VINK Lessen over de herkauwing der Runderen Rotterd. 1770. 8. Fig. 1. 2. (A. B. C. H. D.) CAMPER l. c. Fig. 1. (A. B. C. D.) DAUBENTON Tom. IV. Tab. 15 - 17. Fig. 1. (A.)

⁴⁾ DAUBENTON T. IV. Tab. 15. Fig. 2. iconem dedit, ubi ventriculus quartus magnitudine primo antecellit.

⁵⁾ DAUBENTON l. c. Tab. 3. (E.)

nendus videtur, quod pabulum retineant, impedianque, quo minus illud subito in secundum ventriculum transeat, ibique retentum ad ruminationem aptius reddatur. Incisurae externae adipe impletae intus longas eminentias ⁶⁾ gignunt, incisuris istis aequales, quae a tunicarum duplicatura formatae, crassiores reliquo ventriculi pariete euadunt.

Ingluies e quatuor tunicis componitur. Prima et extrema a peritoneo proficiscitur, tenuis est, et perpauca tela mucosa alteri agglutinata. — Secunda tunica est muscularis ⁷⁾ e duobus stratis confecta. Alterum et externum longitudinales fibras sternit, quae ab oesophago obortae, ventriculi parietes ad eius processus vsque undecunque inuolunt, et incisuras externas haud alte transgredientes pontem quasi formant, ibique vasa ad ventriculos serpentina obtegunt. Alterum et internum priori subiacens fibras tum circulares tum obliquas exhibet, quae cum oesophago non cohaerere, sed ventriculo propriae videntur. Vario modo se dissecant, et in incisuras adeo alte descendunt, ut, remota tela mucosa, ibi coniunctos, et mutuo quasi confluentes cernere queas. In illis incisuris valde coaceruatae eminentias internas producant. Stratum externum ingluviem brevior, internum vero angustior reddere potest. — Tertia vasculosa est, e tela cellulosa et vasis exstructa. — Quarta et intima ⁸⁾ ab illa oesophagi habitu tantummodo

⁶⁾ VINK l. c. Fig. 3. — DAUBENTON Tom. IV. Tab. 16. Fig. 1. 2.

⁷⁾ PEYER l. c. icon. 2. 3.

⁸⁾ PEYER icon. 4.

externo et colore griseo discrepat. Inmensam videmus copiam breuium processuum, qui duriusculi intusque protracti, mox verrucis, praecipue in eminentiis internis, mox squamis similes, et in fasciculis collecti ac constipati, mutuo se tangunt. Alii secundum ingluuiem longitudinem decurrentes, rugas gignunt, alii formas rhomboidales describunt, non alte emicantes. Haec tunica fluido quodam semper humectata minus sensibilis videtur ⁹⁾. Orificium totius ruminis antèrè cauernulae anteriori contingit, vbi nec rugas, nec valvulas, pabuli regressum in oesophagum impedièntes cernere potes, quin immo tunica oesophagi tendinosa glabra apparet, donec in ingluuiem continuata verrucosam et squamosam indolem induat.

§. XV.

Ventriculus secundus ¹⁰⁾ reticulum seu ollula appellatus, inter ingluuiem et partem diaphragmatis tendinosam latus sinistrum ¹¹⁾ magis occupat. Qui quidem pro ruminis appendice quasi habendus est, dum eius cavitatis leni tantum-

⁹⁾ In cauo ingluuiem varia subinde reperimus concrementa, quae mox a crinibus deglutitis, mox e fibrillis plantarum relictis, mox e liquoribus componuntur, qui in statu ventriculi morbofo secreti indurescunt, lapidumque indolem induunt. — vid. JOHN HUNTER on the blood p. 239.

¹⁰⁾ VINK l. c. Fig. 1. 2. (E). CAMPER l. c. Fig. 1. (A. E. F.) DAUBENTON Tom. XIV. Tab. 15 - 17. Fig. 1. (C).

¹¹⁾ DAUBENTON Tom. V. Tab. 3. (C).

modo isthmo ¹²⁾ ab ingluviei cauo seiuncta apparet. Eius longitudo 1' 8'', latitudo 12''. Cuius tunica externa musculosa et vasculosa ab iis prioris ventriculi nullo fere modo discrepant. Intima dum ex ingluvie in ollulam transit, primum eadem indole cernitur, mox vero facie mutata, cellulas quasdam format hexagonas ¹³⁾, quarum septula striata et in margine libero dentata occurrunt. In quacunque cellula alia et humiliora septula cernuntur, quae cellulam ipsam in quatuor vel quinque minores, verrucis brevibus et subtilissimis plenas, rursus diuiduntur ¹⁴⁾.

§. XVI.

Oesophagi insertio observatur, vbi ventriculi iam descripti et tertius mutuo se tangunt; qui tamen non adeo in ingluvie, quam potius in reticulo finem ponit. Haec apertura ¹⁵⁾ in ollula admiranda est, et memoratu digna. Tunica oesophagi intima reflecti, attolli, et duplicem marginem ¹⁶⁾ prominentem, labia humana simillimum formare videtur, a quo sulcus quidam includitur. Quae quidem

¹²⁾ VINK Fig. 3. (d.)

¹³⁾ VINK Fig. 4. PEYER icon. 6. DAUBENTON Tom. XIV. Tab. 17. Fig. 2. 3.

¹⁴⁾ Vti in primo ventriculo varia concrementa inuenimus, ita in hoc varias acus saepe offendimus, quae longe ibi commorantur, et rubigine corripuntur.

¹⁵⁾ VINK Fig. IV. (c.)

¹⁶⁾ *Idem* Fig. IV. (b.) CAMPER Fig. V. (E. D.)

fossa seu semicanalis ¹⁷⁾ inferior oesophagi pars continuata, et dextrorsum atque sinistrorsum ventriculo primo et secundo simul aperta est. Versus parietem ollulae anteriorem longitudine octo pollicum ad ventriculum decurrit ¹⁸⁾, vbi in breuem et angustum canalem ¹⁹⁾ antè orifi-
cium appellatum, mutatur. Cuius quidem orificiï pars superior ²⁰⁾ inferiori multo crassior euadit, dum duplex margo hic commiscetur, et ad impediendum pabuli regressum in omasi cauo prominet. Illius vero orificiï pars inferior minus crassa semicanalis prolongatio ipsa est, quae cessat, vbi omasi folia originem trahunt, et prominere incipiunt. Superficies huius semicanalis interna glabra, et cum intima oesophagi atque ingluuiei tunica obducta est, quae conicas ac passim dispersas eminentias, striasque longitudinales offert. Qua quidem tunica intima remota, duplex videbis stratum musculare; alterum longitudinales fibras monstrat, quae ab oesophago originem ducere videntur, et in utroque labio ad orificium omasi interius ita decurrunt, ut ibi sese decussent, et crassitiem huius loci adaugeant; alterum transversales ostendit, a tunica ingluuiei et ollulae musculari obtectas, cumque his coniunctas. Simulac hae fibrae

¹⁷⁾ *Idem* Fig. IV. (d.) CAMPER Fig. V. (B. C.) PERRAULT *essais de physique* T. III. Tab. 13. Fig. 2. (C). DAUBENTON T. IV. Tab. 17. Fig. 2. (C. D.)

¹⁸⁾ Hunc decursum ab externis spectatum optime depinxit PEYER icon. 5. (D).

¹⁹⁾ VINK Fig. 4. (h).

²⁰⁾ VINK Fig. 4. (g).

musculares agant, semicanalis margines propius in se ad-
moti, tandem collidunt, et perfecte clausum formant cana-
lem ²¹⁾, pabuli ingressum ex oesophago in ingluuiem et
reticulum impediens, in omasum vero permittentem.

§. XVII.

Ventriculus tertius ²²⁾ et omnium parvissimus omasum
seu conclave nuncupatus, dextrorsum iuxta ingluuiem et
pone hepar et reticulum positus est. Eius diametrus
12'' ostendit. In dextro latere antrorsum cum ventri-
culo secundo, retrorsum cum quarto coniungitur. Tu-
nica extima a peritoneo proficiscitur; muscularis tenuis
est, et duplex stratum componit, cuius externum fibras
format longas et semicirculares, ab orificio anteriori ad
posterius decurrentes, internum vero transversas atque
circulares sub angulo recto longas decussantes. Tertia
tunica cellulosa ac vasculosa apparet. Quartae superfi-
cies interna peculiarem offert adspectum. Multa effingit
septa ²³⁾ quorum forma semilunaris est, ita ut margo con-
vexus cum ventriculi pariete cohaereat, concavus vero in
omasi cavo libere fluctuet. Omnia septa ab anteriori ori-
ficio orta, secundum ventriculi longitudinem decurrunt, et
in posteriori finiuntur. In superficiebus et marginibus ha-
rum plicarum verrucas maiores minoresque observabis.

²¹⁾ CAMPER Fig. 6. (G.)

²²⁾ VINK Fig. 2. (G). CAMPER Fig. 1. (F. L. M. G.) DAUBEN-
TON T. IV. Tab. 15. 17. Fig. 1. (D).

²³⁾ VINK Fig. 5. (x). DAUBENTON Tom. IV. Tab. 18.

Quorum quidem septorum centum fere numerantur, quae mox maiora, mox minora talem ordinem seruant, ut duo maiora totidem minora complectantur. In inferiori et interno orificii anterioris latere verrucae apparent cuneiformes, quorum situ pabuli regressus in secundum ventriculum cohiberi videtur. Posterior omasi apertura priori multo latior conspicitur, quam pabulum facile transire potest, cuius vero regressus a duabus magnis plicis ²⁴⁾ impeditur, quae durae fere cartilagineae, et auriculae humanae figuram imitantes, in orificio abomasi anteriori collocatae sunt, secundum longitudinem decurrunt, et hocce orificium prorsus obturant.

§. XVIII.

Ventriculus quartus ²⁵⁾ abomasm seu ventriculus intestinalis appellatus, pabulum ex omaso accipit, et in duodenum ablegat. Sinistrorsum a ventriculo tertio oboritur, locumque inter hunc et primum occupat ²⁶⁾. Deinde retrorsum latus ingluviei dextrum attingit. Eius longitudo est: 2' 5'', latitudo 3''. Magnum quasi faccum pyriformem antrorsum ampliorem formans, retrorsum paulatim gracilescit, et a duodeno tandem valvula conspicua disiungitur. Cuius tunica extima a peritoneo provenit. Secundae et musculari duo sunt strata, quorum

²⁴⁾ DAUBENTON Tom. IV. Tab. 18. (C).

²⁵⁾ VINK Fig. 1. 2. (F). CAMPER Fig. 1. (G. H. I.) DAUBENTON Tom. IV. Tab. 15. 17. Fig. 1. (E).

²⁶⁾ DAUBENTON Tom. V. Tab. 3. (F).

alterum externum fibras longitudinales, alterum internum transversales priores secantes, et in pyloro coaceruatæ sphincteris speciem gignentes exhibet. Denique a vasculosa et intima viginti fere mollesque plicae exsurgunt, quae longe decurrentes versus pylorum paullatim evanescent. Vbi ventriculus quartus in duodenum mutatur, ab hisce tunicis vera valvula formatur, in cuius latere nonnullae glandulae, limpidum humorem secernentes, conspiciuntur.

C A P V T III.

C A N I S

organa digestionis inservientia ¹⁾.

§. XIX.

Oesophagus super asperam arteriam et infra colli dorsique vertebrae, cum Aorta arcte cohaerens descendit, inter diaphragmatis crura in abdomen labitur, et iuxta costam nonam vel decimam versus latus dextrum oblique in ven-

¹⁾ Quamvis plures ad scopum nostrum persequendum canes dissecuerimus, sequens tamen et generalis descriptio a cane domestico reperta est, cuius longitudo fuit ab orificio ani ad nares, usque 2' 5" ab eodem loco ad scapulae articulationem 1' 8", altitudo omnino 1' 3", et pondus 12 lib.; habitus eius gracilis erat, nec pinguis.

triculo finitur. Eius longitudo 1', diametrus in statu inflato $\frac{1}{2}$ " effecit. Tunica muscularis robusta apparet, magnamque contrahendi viam habet, et fibrae musculares partim longitudinales partim spirales decurrunt ²⁾. Tunica intima simplex est, mollis et colore albo, in ventriculo evanescente.

§. XX.

Aperto abdomine *omentum* primum in oculos incidit. Descendit omnino a ventriculo versus inferiora et posteriora ad pelvim minorem, componitur e duplici lamella, totumque intestinorum tractum obtegit. Curvaturae ventriculi maiori affixum, sinistrorsum inter ventriculum hepar, et lien serpit, dextrorsum ad pylorum, quocum etiam cohaeret. Tenue est et pellucidum, multaue vasa et pinguedinem continet.

§. XXI.

Ventriculus ³⁾ pone diaphragma et hepar versus latus sinistrum et secundum lineam longitudinalem situs est, ita ut cardia antrorsum, pylorus vero magis retrorsum vergat. Si totum canis corpus cum ventriculo compares, is amplissimus tibi videtur. Eius curvatura maior sinistrorsum et retrorsum vertitur, minor dextrorsum et anterieus, sacculus coecus sinistrorsum et anterieus, pylorus dextrorsum et posterius. Incipiente cardia, curvaturam minorem primum non videbis, et hicce margo vix incurvatus cernitur, qui vero versus mediam partem notabilem demum flexuram ostendit. Unde ventriculus peculiarem petit figuram. Scilicet a cardia

²⁾ Observ. anat. selectior. collegii. priv. Amstelod. p. 37.

³⁾ Tab. III. Fig. 1. (A).

ad locum vsque, vbi curuatura minor maxime excauata cernitur, ventriculus formam fere globosam ⁴⁾ in statu inflato indicit, a quo gracilescere incipit, et quoad ambitum versus pylorum sensim decrescit ⁵⁾. Ventriculi longitudo et praecipue curuaturae maioris in statu inflato a cardia ad pylorum fuit 1' 8'', curuaturae minoris 7'', diametrus ab vno pariete ad alterum 4½'', a curuatura minori ad maiorem 5½'', — in statu ventriculi collapsi curuaturae maioris longitudo 7'', minoris 4' 8''. — Ventriculi ambitus 2' 5½''. — Ille aqua impletus 2¼ libr. complexus est. Ventriculus equatuor tunicis exstructus est. Tunica extima peritonaei processus tenuis tunicam muscularem subiacentem pellucere finit, quae, vbi ventriculus magis globosus apparet, debilior cernitur, vbi ille vero decrescit, crassior euadit. Sed ista crassities, cum ea in equo nullo modo comparanda est, vbi fibrae multo crassiores conspiciuntur. Sequuntur vasculosa et intima multas plicas formantes, quae a cardia ad angustior partem decurrunt. Ad cardiam debiles sunt, deinde magis eminent. Ad eum vsque locum, vbi angustior pars incipit, longitudinali modo emicant, ab hac vero parte, ad pylorum vsque irregularem cursum tenent, gyros vt in cerebro formantes. In pyloro tunica vasculosa ad duodenum migrans, debilem gignit marginem, valvulae pylori non respondentem ⁶⁾.

⁴⁾ Tab. III. Fig. 3. (A).

⁵⁾ Tab. III. Fig. 3. (B).

⁶⁾ BLASIUS Zootomia Amst. 1677. 8. p. 196. contendit, tunicam intimam a congerie plurimarum glandularum compositam esse.

Intestini tenuis aufractus abdominis spatium ventriculum inter et vesicam urinariam explent. Subtus latet, ab omento inuolutum, crassumque ita obtegit, ut aperto abdomine nil huius animadvertere possis. *Intestini tenuis* longitudo varia apparebat. Extemplo post mortem 5' 6'', et praeterlapsis quatuor horis 6' 6'' effecit. In priori casu et calor naturalis et irritabilitas adfuerunt, quae aeris externi stimulo laceSSita, canalem breuiorem reddidit. Qua vero extincta, canalis longior rursus factus est. Praesente calore intestinum tactu duriusculum animaduertitur, ita ut percussum lumen suum seruet, et diametrus statim post mortem 7½''' effecerit. Interna superficies tunc veras plicas prodit. Calore vero cessante et canale elongato, tum durities tum plicae euanuerunt 7). Intestinum tenue mesenterium haud pingue in situ retinet, cuius media in parte versus columnam vertebralem glandulae mesentericae, in homine vndecunque dissipatae, hic coacervatae partem exsiruunt, sub Pancreatis Asellii nomine Anatomicis notam. Hocce intestinum uti ventriculus e quatuor tunicis componitur; extima 8) scilicet a peritoneo proficiscitur. In musculari fibrae circu-

Sed anatomica nostris temporibus tantopere euecta peritia hanc sententiam facile refutat, dum injectio luculenter demonstrat, illam a tela mucosa vasisque constatam esse. Eadem falsa de intestinorum superficie interna protulit.

7) Quare BLASIVS l. c. p. 199. valvularum praesentiam negat.

8) BLASIVS l. c. p. 197. contendere videtur, tunicam externam non esse membranosam, sed e congerie fibrarum carnearum rectarum constare; id quod re vera falsum censendum est.

lares magis emicant, et vasculosam ita coarctant, vt intus plicae supra dictae oriantur.

Pars intestini tenuis prima, *duodeni* speciem refert, cuius decursus, quem obseruauimus, hic est. Pylorum relinquens ad latus dextrum vertitur, ramumque transuersalem anteriorem ⁹⁾ format, cuius longitudo $\frac{1}{2}$ '' est; qui antrorsum hepar attingit, quocum omenti minoris plica coniunctus est. Facta flexura, ramus duodeni longitudinalis ¹⁰⁾ incipit, et in latere dextro versus posteriora infra ren dextrum ad peluim vsque descendit, hepatis, reni, et psoae adiacens, neque cum hisce partibus accurate connexus, vbi maiorem in decursu arcum ducit, cuius conuexitas extrorsum vertitur. Nunc incipit ramus transuersalis posterior ¹¹⁾, qui sub columna vertebrali et super reliquum intestinum tenue ad latus sinistrum versus ventriculum et marginem renis sinistri anteriorem talem tenet cursum, vt non prorsus transuerse sed oblique antrorsum ascendat. Hic nouam gignit flexuram a rene sinistro mesocoli ope separatam, et a colo ipso obtectam, decurrit in curuatura, quam coecum et coli initium formant a superiori ad inferius ¹²⁾, et in reliquum intestinum se subducit. Attamen in aliis praecipue magnis canibus hanc flexuram non reperi, sed duodenum iuxta dextrum coli latus libere antrorsum ita profectum est, vt totum duo-

⁹⁾ Tab. III. Fig. 1. (B).

¹⁰⁾ Tab. III. Fig. 1. (C).

¹¹⁾ Tab. III. Fig. 1. (D).

¹²⁾ Tab. III. Fig. 1. (E).

deni cursum haud interruptum cernere possem ¹³⁾. Quo quidem duodeni decursu spatium quoddam includitur, quod pancreas, coecum, ramum coli transuersalem, et locum vbi tenue in crassum abit, atque Pancreas Asellii amplectitur. In rami descendens superficie interna duplicem videbis aperturam, nonnullos pollices a se inuicem distantem, cuius altera ventriculo proprius ductum choledochum, altera pancreaticum transgredi finit.

§. XXII.

Dextrorsum intestinum tenue in *crassum* ¹⁴⁾ euadit. Quo quidem insertionis loco intestinulum quoddam abit, a quibusdam pro coeco, ab aliis pro processu vermiformi habitum. Prioribus idcirco assentiendum esse arbitramur, dum processus, si vermiformem iudices, nimis crassus conspiciatur, et, quas semper obseruauimus, faeces contineat, id quod in processu vermiformi nunquam accidit. Hoc *coecum* ¹⁵⁾ in statu naturali faecibus modice oppletum 2'' longum et 4''' latum fuit. Vbi intestinum tenue in crassum terminatur, coeci extremitas occlusa ad ileum redit, cui innititur ¹⁶⁾, et facta duplici flexura, quae speciem S romani induit, cum

¹³⁾ Tab. III. Fig. 2. (C).

¹⁴⁾ Tab. III. Fig. 1. (F).

¹⁵⁾ BLASIVS l. c. p. 199. Fig. 8. quoque pro coeco habet; in nonnullis simiarum speciebus simile coecum aequali adspectu videbis. DABBENTON T. XV. Tab. 6. Fig. 12. (B). Tab. 2. Fig. 1. Tab. 15. Fig. 1.

¹⁶⁾ Tab. III. Fig. 1. (G).

apice obtusa finitur ¹⁷⁾. Omentulum ei est, quod cum intestino tenui, illud connectit. Vbi tenue in crassum abit, protuberantia annularis cernitur, in cuius superficie interna plicae oblongae eminent, valuulae coli speciem prae se ferentes.

Intestinum crassum superne a columna vertebrali ab inferiori, ab intestino tenui obtectum, omnino breue est, paululum magis dilatatum quam tenue. Est, vbi pars prima, quod semel vidi, per vnicum pollicem paululum angustior euadit, plerumque vero totius canalis ambitus statim tenui amplior apparet ad $10\frac{1}{2}'''$. Longum fuit extemplo post mortem 8'', cessante calore 11''. Ab eius initio ¹⁸⁾ primum pone ventriculū transuerse a latere dextro ad sinistrum migrat, et flexuram gignit, cuius conuexitas antrorsum vertitur, quaeque in spatio sita est, ab aliqua curuaturae ventriculi maioris et duodeni parte formato. Ast alium in cane robustiori vidi initium. In latere columnae vertebralis dextro incipit, vbi duodenum finitur, iuxta cuius ultimam partem descendit, et eundem rami transversalis posterioris duodeni ac longitudinalis cursum antrorsum in opposito tramite verius ventri-

¹⁷⁾ DAUBENTON. T.V. Tab. 46. Fig. 1. 2. In plurimis canibus coeci situm figuramque a me iam descriptam inueni. Interdum tamen coecum in media eius parte flexuram fecisse reperi, ita ut apex occlusa antrorsum denuo conuersa sit.

In alio casu coecum non intestino tenui, sed colo incubuit, vbi pari modo flexuram progenuit, eiusque ambitus tantus fuit, quantum in coeco observaui.

Tab. III. Fig. 2. (D).

¹⁸⁾ Tab. III. Fig. 1. (H).

culum tenet, et deinde eandem, quam descripsimus, viam legit ¹⁹). Versus ren sinistrum novam curvaturam explicat, cuius conuexitas sinistrorsum spectat, et in latere columnae vertebralis sinistro decurrit; cui tandem versus pelvium appropinquat, et hoc decursu formam S romani describit. Priusquam intestinum crassum pelvium ingressum sit, incisuram dextrorsum spectantem format, cuius ope colon a recto quodammodo separare potes ²⁰). Haec incisura in corpore adhuc calente minor, et exilior quam in statu frigido deprehenditur ²¹). In pelvi tandem rectum ²²) vesicae vicinum in osse sacro ad ani orificium decurrit. Fibrae huius intestini longitudinales, aequali modo hoc amplectuntur, nec vlla formant ligamenta, quare colon sacciforme in conspectum non venit. Initio coli non validae cernuntur, quo propius vero crassum pelvium accedit, eo robustiores conspiciuntur, adeo ut in recto validissimae cernuntur. Tunicam vasculosam arcte incumbunt, quam plicae formare cogunt, quae in interna coli superficie transversae emicantes, circulos gignunt. Iuxta coli seu recti exitum proprius levator conspicitur. Fibrae scilicet longitudinales versus os sacrum collectae, in utroque latere fasciculum muscularem gignunt, qui uterque haud longe a recti exitu in musculus confluit, cumque

¹⁹) Tab. III. Fig. 2. (E).

²⁰) Tab. III. Fig. 1. (I).

²¹) In quibusdam canibus incisuram tam exilem reperi, ut colon a recto separare non potuerim.

²²) Tab. III. Fig. 1. (K).

sphinctere sese coniungit. Iuxta recti exitum duae vesiculae ²³⁾ positaе sunt, mucum male olentem continentes.

§. XXIII.

Maxima *hepatis* pars dextrorsum diaphragma inter et ventriculum posita, hunc in statu vacuo, ad minorem vsque portiunculam versus sinistra spectantem, totum fere obtegit. Cui est breue ad inferiora haud longe descendens ligamentum falciforme, nec, quae nonnulli scriptores negarunt, lateralia, etsi valde parua, desunt. Huius visceris superficies anterior omnino connexa et posterior concava, colorque ex rubore in atrum vergens cernitur. Vnciam $10\frac{1}{2}$ pondus habuit. Componitur e septem ²⁴⁾ lobis varia figura et magnitudine. Primus et sinister lobus semilunaris est, cuius margo externus et conuexus plerumque dentatus, internus concavus et incisura haud exigua praeditus cernitur; eius apex ad inferius se declinat, et duas tresue incisuras monstrat. Anterior huius lobi superficies valde conuexa fere omnis septum transuersum, et dextrorsum secundum lobum attingit. Superne et externe ligamentum paruum et triangulare $\frac{1}{2}$ poll. longum conspiciamus, quocum lobus cum diaphragmate cohaeret. Superficies posterior ventriculum eiusque pars superior lobum Spigelii allidit. Cuius longitudo erat 4'', latitudo 3'', et crassities 1''. — Secundus, qui primum excipit, lobus triangularis euadit, eiusque apex ad inferiora

²³⁾ DAUBENTON. T. V. Tab. 48. Fig. 2. (A B).

²⁴⁾ Interdum etiam e sex lobis. PAYER observ. anat. p. 68.

tendit. Superficies anterior, ad diaphragma et laterales versus posteriora spectant, quarum sinistra et maxima parvam superficiei primi lobi anterioris partem obtegit, dextra vero, cuius margo posterior interdum inscissus, tertium lobum tangit, et processum verrucosum expellit. Totus lobus primum inter et tertium irrepit. Eius longitudo fuit 3'', latitudo 2'', et crassities $\frac{1}{2}$ '' — Tertius lobus cuneiformis est, et superficiem lateralem atque incisuram offert, secundum lobum tangentem. In altera laterali cauitatem ad recipiendam quandam vesiculae felleae partem aptam videbis. Superficies anterior parua diaphragmati vicina est. Cuius longitudo fuit 3'', latitudo $\frac{1}{2}$ '', crassities 3'''. — Quartus lobus triangularis in conspectum venit, eius superficies anterior diaphragma allidit, sinistra valde excavata alteram vesiculae felleae partem fouet, et dextra sursum spectans anteriori quinti lobi superficiei contigua est. Margines laterales nonnunquam magnas arguunt incisuras. Cuius longitudo erat 4'', latitudo 2'', crassities 1''. — Quinti lobi superficies anterior valde conuexa apparet, diaphragmati contermina, posterior excavata, anteriorem sequentis lobi superficiem fere obtegit. Superne et extrorsum ligamentum ei est triangulare, et paruulum $\frac{1}{2}$ '' longum, ad connectendum illum cum septo transuerso exstructum. Longitudo eiusdem fuit 2'', latitudo 2'' et crassities $\frac{1}{2}$ '' — Sextus lobus triangularis occurrit, cuius paruula superficiei anterioris fere omnis a priori tectae pars diaphragma attingit. Sinistra maxima est, et dextra ad recipiendam anteriorem renis dextri extremitatem cauum format, cui ligamentum inhaeret,

cuius ope utraque pars connectitur. Margo dexter lateralis sursum valde fissus apparet, sinister acutus est, et prominens, et fissus. Lobi longitudo fuit 3'', latitudo 2'', et crassities 3''. — Septimus ultimusque lobus nomen Spigelii prae se ferre potest, quippe qui a posteriori primi lobi superficie superne et dextrorsum profectus, in curvatura ventriculi minori finem ponat. Triangularis cernitur. Cuius superficies anterior primi posteriorem attingit, et laterales retrorsum reflexae sunt. Margini posteriori magna est incisura, ex qua processus verrucosus profilit.

Vesicula fellea a lobo tertio et quarto iunctim recepta, figuram offert pyriformem. Cuius longitudo est 2'', et diameter $1\frac{1}{2}$ '' . In ceruice ductus cysticus oboritur, qui ad portam migrat.

Hanc portam hepatis tum lobus Spigelii tum superiores reliquorum fines ambiunt, quae venarum portarum, arteriam hepaticam et ductus biliferos suscipit.

Ductus hepaticus ab iis praesertim, qui e lobo sinistro et primo excurrunt, originem trahit, et deinde nonnullos paruos suscipit ²⁵⁾. Cuius longitudo fuit 1''. In porta cum ductu cystico e vesica fellea prodeunte et canalem 1'' formante, sub angulo acuto coniungitur, unde ductus choledochus colligitur. Qui quidem 1'' 2''' longus ad duodenum migrat, eiusque tunicas perforans $1\frac{1}{2}$ '' a pyloro remotus finitur in latere opposito, ubi ductus pancreatici orificium situm est.

²⁵⁾ Interdum non simplex apparet, sed e pluribus canalibus versus duodenum coniungendis componitur. Triplicem itaque describit HARDER in apario, p. 81.

§. XXIV.

Lien iuxta ventriculum latus sinistrum occupat, et ab anteriori ad posterius et a superiori ad inferius oblique extenditur. Figura est falciformis, et color rubicundus. Superficies eius interna, cui omentum maius inhaeret, tum ventriculo et intestinis tum reni sinistro vicina est, externa vero musculis abdominalibus. Cuius longitudo in cane a me dissecto complexa est $4\frac{1}{2}''$, pars latissima $2''$ et reliqua latitudo $1''$. Pondus continebat drachmas tres et dimidiam.

§. XXV.

Pancreas e latere sinistro a liene pone ventriculum ad pylorum vsque extenditur. Quamquidem partem ramum transversalem assumere potes, qui cum longitudinali coniungitur, ab anteriori ad posterius decurrente, dextrorsum cum duodeno connexo, et versus pelvim curnaturam aliquam formante, quae partem transversalem duodeni posteriorem sequitur. Dum inter sese coalescant, angulus rectus formatur, adeo ut a dextri rami transversalis extremitate, longitudinalis retrorsum se conferat. Duorum ramorum longitudo omnino fuit $12''$, latitudo $1''$ et pondus vncia vna.

Ductus pancreaticus in duodeno pone choledochum $1\frac{1}{2}''$ aperitur, dum intestini tunicas oblique perforet, et simplex raro duplici ²⁶⁾ modo finiatur. Simplex plerumque observatur, et ductus tum e ramo transversali tum longitudinali coalescunt, et in duodeno transeunt.

²⁶⁾ Interdum duplex occurrit, ita ut alter cum ductu choledochi connexus sit, alter proprio et facto orificio terminetur. PEYER l. c. p. 76.

CAPUT IV.

ORGANA PORCI DIGERENTIA ¹⁾.

§. XXVI.

Oesophagus eadem ratione inter asperam arteriam et columnam vertebralem situs, eandem prodit structuram, eiusque tunica muscularis fibras quoque spirales ostendit, quam vera tendinosa sequitur. Eius longitudo fuit 1' 6'', latit. 10 $\frac{1}{2}$ '''.

Ventriculus ²⁾ eodem fere situ, quo equinus, gaudet. Curvatura eius maior subtus conuersa est. Cardia a pyloro haud longe distat, dum oesophagus in ventriculi medio intret, eumque in duas partes fere diuidat. Sinistrorsum fundus expanditur, adeo amplus, vt dimidiam totius ventriculi partem constituat, cui appendix, amplum formans cauum, quasi inhaeret. Curvaturae maioris longitudo in statu inflato erat 2' 6'', minoris 8''; diametrus ab vno pariete ad alterum 6'', a curvatura maiori ad minorem 6 $\frac{1}{2}$ '' . Ventriculi ambitus 5' 5 $\frac{1}{2}$ '' ita, vt aquae septem libras haurire posset. In statu vero vacuofacto curvatura maioris longitudo fuit 1',

¹⁾ Magnitudo huius porci faginarum sequens est. Longitudo ab orificio ani ad nares vsque 3'. 9''; ab orificio ani ad locum, vbi scapula cum osse humeri cohaeret 2', 9''. Eius altitudo 2'; pondus 100 libr.

²⁾ DAUBENTON. T. V. Tab. 18. Fig. 1.

11 $\frac{1}{2}$ "', minoris 6"', diametrus ab vna curuatura ad alteram 4"'. Totius ventriculi structura cum ea equini multum conuenit. Videmus tunicam extimam a peritonaeo depromptam, muscularem, et duplicem internam, scilicet tendinosam et pulpofam. Tendinosa ab ea oesophagi proficiscitur, et saccum coecum praecipue obtegens, non tam late versus pylorum, vt in equino, decurrit. Quae quidem eadem ratione, vt in equo cum pulpofa e duodeno exfurgente, telae mucosae ope connectitur, id quod maceratio nobis luculenter demonstrauit.

A curuatura maiori *omentum* pendet, ventriculum inter et colon situm, pone illum plicatum latet, et ab hoc fere obtegitur; quod si expandas, anteriorem inferioremque caui abdominalis partem inuoluere potest. Retrorsum a curuatura maiori ad minorem adscendit, ibique affigitur.

§. XXVII.

Intestinum tenue latus dextrum magis occupat, cuius longitudo fuit 56', et diametrus in statu inflato 1" 1 $\frac{1}{2}$ ". Tunica muscularis non tam valida in conspectum venit, sed debilior apparet. Vbi *duodenum* incipit, flexuram cernes minus conspicuam, et verus ramus transuersalis anterior abest, qua ramus longitudinalis ad mediam renis dextri partem descendit, et facta flexura ramus transuersalis posterior sub columna vertebrali a latere dextro ad sinistrum nec nimis antrorsum in reliquum intestinum se subducit.

§. XXVIII.

Intestinum coecum in latere dextro retrorsum reperies, et vesicae vrinariae fundo vicinum, quare eius situs, vesica plus

minusue oppleta, mutatur. Hocce viscus sinistrorsum tendit, ita vt colon sub angulo recto ex eo profiliat. Vbi transitus intestini tenuis in coecum est, valuulam coli insignem et notabilem humanaeque similem reperies. Coeco sunt tria ligamenta, firmiora et magis adstricta, quam in colo, vnde plicae et cellulae eminentiores cernuntur. Longitudo coeci erat 8'', et latitudo in statu modice expanso 3½''.

Intestinum colon infimam abdominis regionem occupat, et secto cadauere, primum conspicitur. Varios format anfractus, nec vllum videbis inter colon rectumque discrimen. Longitudo tum coli tum recti fuit 15', et coli diametrus 2½''. Huic visceri duo sunt ligamenta, minus adstricta, quare cellulae depressiores et humiliores occurrunt, versus intestinum rectum ob ligamenta cessantia euanescentes. Inter decursum colon tria format strata: primum a latere sinistro ad dextrum abit, et formata flexura denuo a dextro ad latus sinistrum redit. Ventriculum inter et secundum stratum positum, antrosum praecipue a tertio, retrorsum a secundo strato obtegatur. Amplissimum cernitur, multasque cellulas effingit. — Secundum stratum in latere sinistro incipit, versus dextrum tendit, et facta flexura eadem ratione ad sinistra redit. Inter primum tertiumque stratum latet, paruius est, nec tantas indicat cellulas. — Tertium stratum et simul externum in latere sinistro quoque originem trahit, et quinque format ramos, ab anteriori versus posteriora aequali ratione prope se decurrentes. Ramus primus pone ventriculum latet, a latere sinistro ad dextrum tendit, flexuram protrudit, et in

alterum se subducit. Omnium longissimus est, reliquis amplior, sed paruior quam secundum stratum. Ramus secundus a latere dextro ad sinistrum vertitur, et inter tertium atque quintum positus, facta flexura, in ramum tertium a latere sinistro ad dextrum transit. Breuissimus est et a secundo et quarto includitur. Noua progenita in latere dextro flexura, ramus quartus a dextra parte ad sinistram inter primum et tertium ramum decurrit, et facta in latere sinistro flexura, denno ramus quintus a sinistro ad dextrum latus proficiscitur, vbi pelui vicinus est, eique aliqua coeci pars innititur. Tunc in latere dextro nouam porrigit flexuram, antrorsum et sursum inter secundum tertiumque stratum procedit, dorsi spinam attingit, et flexura formata in rectum finitur. Qui omnes rami tela mucosa accurate inuicem connexi sunt.

§. XXIX.

Hepar a dextro latere ad sinistrum se vertit. Ex quatuor lobis componitur, quorum tres latus dextrum, et quartus sinistrum occupat. Ambitus 2' 11'', crassities 2''. Pondus 2 libr. Vesicula fellea ei adhaeret.

Lien latus sinistrum occupat, figura falciformi. Eundem, quem hepar, colorem seruat. In superficie interna margo erectus obseruatur, quem vasa lienalia intrant. Huius visceris longitudo erat 1' 3'', pars latissima 2'', crassities 9'', et pondus 6 vncias.

Pancreas eandem, quam in equo, formam situmque habet. Ramus transuersalis a latere sinistro ad dextrum oblique et

retrosum decurrit; ramus longitudinalis ab anteriori ad posterius abit, cuius margo internus concavus conspicitur. Longitudo rami transversalis erat 5'', latitudo 2'', crassities $6\frac{1}{2}''$; rami longitudinalis longitudo 6'', latitudo $1\frac{1}{2}''$, et pondus $2\frac{1}{2}$ vnc.

C A P V T V.

AN VERVM ORGANORVM DIGESTIONI INSERVIENTIVM DISCRIMEN INTER DICTA ANIMALIA REPERIATUR.

§. XXX.

Organorum digerentium descriptiones e singulis, quae naturae indagatores vel carniuora, vel herbiuora vel omnivora appellant, animalibus ¹⁾ petitae, nos ad explorandam quaestionem propius deducunt. Veri discriminis rationem ita cogitamus, ut cuiuslibet partis structura in variis animalibus inter sese differat, et igitur in nostris partium aequalium structura a se invicem abhorreat. Et anatomica disquisitio re vera multa offert discrimina. Quae tamen an tam gravia ducenda sint, ad compellendum animal quoddam ad certum victum et praescriptum vitae genus, an non hocce animal, admissio quoque huiusmodi discrimine, ad

¹⁾ Monendum credimus, animalium descriptiones haud prolixiores exaratas esse, quam quaestio nostra egeat.

alia et insolita adfuescere possit alimenta, e sequenti exploratione apparebit.

§. XXXI.

Comparatio oesophagi in dictis animalibus ²⁾ primam requirit curam:

in equo longitudo est 5' 2'' latitudo $1\frac{1}{2}''$ in statu efflato;

in pecore longit. . . 3'. 6'' . . . latitudo . . 2'' 3'''

in fove . . long. 1' 6'' latit. $10\frac{1}{2}'''$.

in cane long. . . . 1' . . latit. . . . $\frac{1}{2}''$

in homine long. . . . 1' . . latit. . . . 9'''

Si oesophagum in variis hisce animalibus inter sese comparemus, structuram videmus vbique fere eandem apparere, et superficiem tantum internam quodammodo mutari, atque alimentorum indoli inferuire. Cuius latitudo ³⁾ in pecore maior observatur, quae, ad asperum pabulum facilius detrudendum quoque necessaria fuit. Fibrae musculares in eo

²⁾ Quod ad longitudinem totius animalis eiusque magnitudinem attinet, iam supra in § monitum est. Hic cuiuslibet pondus addimus. Quod equi et tauri indicare non possumus, cum illa animalia ponderandi opportunitas mihi denegata fuerit. Clar. DAUBENTON quidem 400 libr. pro equo ponit, et 600 pro tauro saginato; quod tamen quoad equum nimis paucum nobis videtur. Porci pondus fuit 100, et capris 12 libr.

³⁾ Oesophagum etiam amplum videmus, quin immo tractu intestinorum ampliorem in avibus carnivoris ad deglutiendum integros pisces longaue ossa. Exemplum memoratu dignissimum narrat Clar. BLUMENBACH praeceptor meus pia mente semper a me colendus, in eximio libro Handbuch der vergleichenden Anatomie, p. 142. qui Larum tridactylum longa ossa deglutiens saepe vidit.

etiam validiores et robustiores occurrunt, spirali modo ruminandi gratia contortae, quem flexuosum cursum in reliquis animalibus minus conspicuum, et homine prorsus evanescentem videmus. Interna membrana in equo, pecore, et suae eandem tendinosam faciem servat, quae impedire videtur, quo minus oesophagus ab aspero pabulo irritatus nimis constringatur, et alimentorum descensus intercipiatur. Haec tendinosa indoles in cane valde extenuata, et in homine prorsus deleta observatur.

§. XXXII.

Sequitur *comparatio ventriculorum*, quae in variis animalibus instituta, variam illorum figuram atque structuram indicat. In quadrupedibus carniuoris ventriculus simplex cernitur, et elongatus, in herbiuoris aut ruminantibus aut non, vel re vera in plura loculamenta diuiditur, vel caecularum tantum species, nec vero et separata loculamenta arguit. In auiibus primum ingluviem obicitur, verus ventriculus, et primus iure appellandus. Hancce ingluviem in nonnullis carniuoris multisque graniuoris praesentem, in nonnullis vero deficientem ⁴⁾, alter ventriculus in abdomine locatus sequitur. Varius est in variis auiibus, in carniuoris tenuis et membranofus, illi quadrupedum carniuorum similis; in omniuoris validior, in graniuoris robustissimus evadit, e pluribus densisque musculis exstructus. Qui quidem qualem etiam indolem induerit, iuxta quemcunque corpus seu bulbum glandulosum animaduertimus, mul-

⁴⁾ HALLER elem. physiol. T. IV. p. 112.

tas glandulas continentem, succumque pro cibis digerendis porrigentem ⁵⁾).

Ast redeamus ad ventriculos nostrorum animalium inter sese comparandos. Primum eorum magnitudinem et capacitatem respiciamus, necesse est.

In equo longitudo curvaturae maioris in statu inflato $3' 9\frac{1}{2}''$, curvaturae minoris $7''$, latitudo a curvatura minori ad maiorem $10''$, ab vno pariete ad alterum $9\frac{1}{2}''$, totus ambitus $4\frac{1}{2}'$.

In pecore longitudo primi ventriculi $3'$, latitudo $2'$; secundi ventriculi longitudo $1' 3''$, latit. $12''$; tertii ventric. diametrus $12''$; quarti ventriculi longitudo $2' 5''$, latitudo $8''$.

In fove longitudo curvaturae maioris $2' 6''$, minoris $8''$, latitudo a curvatura minori ad maiorem $6\frac{1}{2}''$, ab vno pariete ad alterum $6''$, ambitus $3' 3\frac{1}{2}''$.

In cane longitudo curvaturae maioris $1' 8''$, minoris $7''$. Diametrus ab vno pariete ad alterum $4\frac{1}{2}''$, a curvatura minori ad maiorem $5\frac{1}{2}''$, ambitus $2' 5\frac{1}{2}''$.

In homine longitudo curvaturae maioris $2' 2\frac{1}{2}''$, minoris $9''$, diametrus a curvatura maiori ad minorem $3\frac{1}{2}''$, ab vno pariete ad alterum $4'' 3'''$, ambitus $3' 2''$.

Ex hisce mensuris videbis ventriculorum capacitatem valde inter sese differre. In pecore ruminante ventriculus

⁵⁾ HALLER l. c. p. 138.

omnino maximo ambitu est, eiusque primum praecipue loculamentum seu ingluuias. Equi ventriculus, si cum equi ipsius magnitudine conferas, tantus non est, quantus in sue vel cane, et suillus paruior, quam caninus. Vnde apparere videtur, carniuorum ventriculo maximam inesse capacitatem, tunc illum omnium et hominis, tandem herbiuorum sequi, exceptis ruminantibus. Attamen haecce argumentatio incerta adhuc semper vacillat, nisi ex multis inter sese collatis visceribus certi quid eruere possis; nobis saltem haec occasio denegata erat.

Simulac ventriculi equini structuram respicias, et eadem in asino et zebra occurrit, haec obseruabis. Cardia a pyloro haud longe distat, quare saccus coecus maiori, quam in aliis animalibus praecipue carniuoris et homine, ambitu gaudet. Haec vtriusque orificii vicinitas, maiorque fundi capacitas, multum pro digestionem valere videntur. Porro si externum ventriculi equini habitum contemplari velis, verum discrimen fundum inter et reliquam partem obseruabis. Ille duritiae ac crassitiae hanc valde superat, quin imo sulco quodam externe conspicuo vtrique pars ita diuisa apparet, ut duplicem ventriculum diuersa negotia gerentem suspicari possis. Haec coniectura ab externo tantum habitu petita, superficiei internae adspectu confirmatur. Iam supra in explicatione anatomica duas in superficie interna membranas expansas esse monuimus, quae tum forma tum structura reuera a se inuicem discrepant, nostramque sententiam firmare videntur; nam altera, quae saccum coecum obtegit,

dura et minus sensilis ⁶⁾, altera mollis et pulposa apparet. Quod quidem discrimen in omnium, quantum mihi notum est, animalium ventriculis observabis, quae absque ruminatione variis crudiisque vegetabilibus vitam degunt. Num in hac ventriculi parte ad conterendos cibos mechanica, quam clar. BERTIN assumit, frictio admittenda sit? Non videtur; dum hicce sacculus cum solido avium graniolarum ventriculo comparatus nimis debilis reperiatur, neque larvae istae ibi servare se possint. Nonne potius tertio, si eius munus respicias, ruminantium ventriculo simillimus videatur, qui pabulum masticatum recipit, porro digerit, et quarto ad ulteriorem digestionem ventriculo committit? Quum equus pabulum bene masticatum deglutiatur, nec ruminantium ingluvie nec ollulae indiget, sed tertium ad pabulum amplius mutandum loculamentum requiri videtur. Quas vero mutationes pabulum hic subeat, quamdiu in hac parte commoretur, an ventriculus inter digestionem in margine intimo prominente magis coarctetur, an succus quidam in fundo et qualis secernatur, haec omnia ob experimentorum, quae instituire opportunitas prohibuit, penuriam decernere non audemus.

⁶⁾ Quare huic ventriculi membranae larvae illae oestri equiniam arcte adhaerent, ut hisce abruptis foraminula rotunda appareant. Raro in altera membrana pulposa conspiciuntur. Quamvis clar. DAUBENTON Tom. IV. Tab. 5. Fig. 2. immensam harum copiam pylorum quasi arctantem inuenerit, tamen status in hoc equo morbosus adfuisse videtur, quo larvae proprium domicilium relinquere, coactae erant.

Si ventriculū suillum cum equino compares, vtrumque quoad orificiorum situm, fundi, dimidiam fere illius partem componentis, magnitudinem, et superficiei adspectum valde inter sese congruentem obseruabis. Attamen membranā tendinosā non tam late versus pylorum decurrentem deprehendimus, transitum in classem carniuororum nobis fortasse indicentem.

Collato tandem equino ventriculo cum canino et humano, hi ab illo multifarie a se inuicem abhorrent. Nam in canino et humano curuatura minor multo longior apparet, cardia a pyloro magis remota, saccusque coecus brevior ⁷⁾ est, et superficies interna non duas, et quoad structuram diuersas membranas, sed vnicam tantum simplicem et aequalem promit. Neque alimenta, quibus et homo et canis aluntur, talem artificiosam ventriculi structuram exegerunt. Homo quidem herbis vescitur, sed quibus, et quomodo? Omnibus ea est indoles, vt, etiamsi crudae nec vlla ratione paratae assumantur, digestu faciles sint. Fructus succulenti, acetariae molles sunt, et olera ac legumina coquendi modo resoluendi indolem multo faciliorem accipiunt, et quid multa? omnia, quibus homo vititur, vegetabilia, ita se habent, vt digestio extemplo exordiri possit. Cibi e carnibus parati, naturae animali tantopere convenientes, alia ventriculi structura quoque non indigebant, dum statim soluti, corpori humano admisceri possint. Ean-

⁷⁾ In phoca vitulina prorsus deficit fundus, et oesophagus finem ventriculi sinistrum intrat.

dem in ventriculo canino rationem deprehendimus. Cani, qui ferus vt animal carniuorum e carnibus solis victum quaerit, simplex ventriculus sufficit, quia alimenta facile digeri possunt. In statu domato et mansuefacto eandem quam homo viuendi rationem gerit. Herbis, ad quas a teneris adfuerat, non crudis, sed vt homo praeparatis vescitur, quas si crudas deuoret, vomitus sequi videtur, vnde apparet, eius ventriculum hosce cibos subigere non posse. Igitur ex hac indagatione elucescere videtur, ventriculi structuram in his variis animalibus immutari, quatenus alimenta vel cruda vel praeparata ingerantur. Cum enim ruminantia pabulum minime paratum inducant, tum ventriculo egent pluribus loculamentis praedito, tum tendinosa priorum indole, tum ruminandi munere. In equo aliisque cognatis animalibus pabulum iam magis masticatum deglutitur, quare ventriculus minus compositus apparet, cuius tamen prima pars indolem tendinosam adhuc seruat, cessante ruminatione. Simili modo ventriculus suillus ⁸⁾ exstructus est; et omnium, ni fallor animalium omnium, quae alimenta cruda deuorant, ventriculum eadem, si accurate perquiras, ratione compositum esse arbitror, nisi quod membrana tendinosa non tam late expansa cernatur.

In cane, aliisque cognatis carniuoris vulpe, lupo et fele ac in homine ventriculi structura simplicissima est. Nec formam eius complicatam nec plura loculamenta, nec mutatam superficiem internam conspiciere possumus. Vnde

⁸⁾ Vt et in pecari, muribus, aliisque.

omnino intelligitur, ventriculū, quo magis cibi iam parati cum intrent, et quo maior iis insit resoluendi facultas, eo simpliciorem esse internamque superficiem molliorem, magisque pulposam euadere, atque resorbendum aptiorem fieri, et vice versa contraria accidere.

§. XXXIII.

Si ruminantium ventriculus cum iis aliorum animalium conferamus, verum et peculiare discrimen tum quoad formam tum structuram internam observamus. Scilicet in plura dispescitur loculamenta, quae orificiis quibusdam inter sese cohaerent, et varii ventriculi habentur. Attamen cavernularum numerus valde variat. Pecori buffelo, boui americano, oui, caprae, ceruo tarando, aliisque quadruplex est ventriculus, quin immo camelo dromedario quintuplex, quatenus cauerna iuxta ingluuiem sita, tanquam proprius ventriculus censetur, qui adspectu loculato a reliquis diversus, ad reseruandam aquam inseruit ⁹⁾. In antilope rupicapra et dorcas triplicem tantummodo inuenimus, dum ingluuiēs et reticulum vnicum formant ventriculum. Num marmotae criceto duplex sit? Lepus vnicum habet ventriculum, qui vero ab externis conspectus diuisus apparet, dum sulcus quidam a curuatura minori ad maiorem descendit, illum in duas partes diuidentem, quarum sinistra maior et dextra minor cernitur. Ventriculo aperto, eodem loco duplicaturam valuulae similem videbis, ita vt cauum in duo loculamenta diuidatur; alterum sinistrum maius et

⁹⁾ DAUBENTON Tom. XI. Tab. 14. 15.

tenue, alterum dextrum et crassius apparet ¹⁰⁾. Porro in cetaceis ventriculus etiam loculatus occurrit. Et in nonnullis insectis, e.g. Gryllotalpa plura in eo loculamenta cernimus. Attamen non omnia, in quibus haec formatio deprehenditur, animalia, ruminationi obnoxia sunt, quam contra in nonnullis animaduertimus, vbi ventriculus propriam prodit structuram, et oesophagi insertio a solita discedit. Quin immo, oesophago sueto more finito, ruminatio cessare videtur, etiamsi ventriculo plura sint loculamenta.

Ruminationis ratio in eo ponenda est, vt pabulum celerè deglutitum, iterum masticari possit, et ad digestionem aptius reddatur. Animalia ruminantia herbas leuiter primum dentibus conterunt, quas pauco salivae admixtas celeriter in ingluuiem inducunt, vbi macerationem quasi perpeti videntur. Quare haecce pars ingluuiæ ¹¹⁾ auium granivorarum speciem praebere videtur. Num etiam burfarum in simia et marmota? Contracto rumine, pabulum in ollulam transfertur. Ratio, cur inter contrahendam ingluuiem pabulum in tertium ventriculum non abit, in eo ponenda videtur, quod eius apertura nimis parua sit, nec tantam alimentorum rudium molem transire sineat, semicanalis quoque fortasse sese

¹⁰⁾ Tunica alba in sacco maiori minus conspicua quidem fuit, attamen lepus nimis tenuis erat, et membrana forsan adhuc minus euoluta.

¹¹⁾ HUNTER of the animal oeconomy. p. 171.

coarctet, aditumque occludat. Quare in vitulis lactantibus res alia se habet, et lac ob liquiditatem extemplo in tertium ventriculum demanat; id quod in pecore adulto etiam accidit, vbi aqua statim in eundem locum ruit. Proprio ollulae motu, qui voluntarius videtur, et in oesophagum excurrit, quem monentem se extrinsecus cernere potes, pabuli portiuncula in os reuehitur, ibi a dentibus longe len- teque conteritur, et secunda vice deglutitur. Quae quidem per semicanalem, in verum canale conuersum, nec pabu- lum in ingluuicem vel ollulam delabi sinentem, omasum in- trat, vbi nouis succis referta et commixta odorem peculia- rem ac stercoreum assumit, et abomaso commissa pror- sus resoluitur, vbi chyli resorptio praecipue incipere videtur.

Si variorum ventriculorum munera inter ruminatio- nem contemplari velimus, primum et secundum pro meris receptaculis ¹²⁾ habendos esse videmus, alimenta, pecore quiescente, collecta denuo promentes, vt secunda tritura- tione rursus conterantur, qui si quid ad digestionem confe- rant, in emolliendo pabulo quaerendum esse videtur. Ter- tius vero ventriculus digestionem adiunat et sustentat. Cuius laminae pabulum magis conterere et commiscere videntur, nouum et, vt verissimile est, probum liquidum porrigunt, pabulumque ita mutant, vt peculiarem odorem stercore- um accipiat. Quartus denique ventriculus resolutionem absolueret videtur, in quo vera propriaque digestio agitur.

¹²⁾ HUNTER l. c. p. 171. the first stomach is merely a reservoir, and in this respect is analogous to a crop.

In vitulis lactantibus hoc demonstratur, vbi lac in abomaso primum mutationes quasdam subit¹³). Igitur si ruminantium ventriculos cum equino et suillo compares, luculenter intelligere potes, qua re in hisce animalibus ingluuies olula et omnino ruminatio desideratur, dum alimenta iam bene masticata ingerantur, quare saccus coecus ruminantium tertio simillimus est, dum in utroque pabulum mutari incipiat. Ruminatio omnino actus voluntarius esse videtur, quem pecus exordiri vel suppressere et omittere potest, quique ad primum ac secundum ventriculum tantum extenditur. Neque hunc motum cum vomitu confundere licet. Nam inter ruminationem vterque ventriculus solummodo occupatus est, nec musculi abdominales, et septum transversum. Simulac vero animal ad vomitum stimuletur, motus videbis vehementes, aliaque phaenomena, quae a simplici ruminatione valde abhorrent. Equus imperfectum vomitum edit, vel reuera nullo modo, dum mere tantum vomituritio obseruatur, vbi inter vehementes motus non nisi mucus et saliuæ ex ore profluit. Causa huius phaenomeni in sphinctere cardiae praecipue latere videtur, qui consensuali emetici irritatione ita constringitur, ut illius spasmodum ventriculus quoque se contrahens vincere et superare nequeat. Quod vero ventriculus eodem tempore convellatur, e nimis equi motibus concludere possumus.

Idem in sue accidit, quatenus hunc obseruandi opportunitas data mihi fuerit. Attamen pecus, quod experientia

¹³) HUNTER l. c. p. 170.

docet ad verum vomitum cieri potest. Nam consensuali emetici irritamento et ingluvies, et ollula contrahuntur, quo fit, ut contenta in os reiiciantur. Sed pabulum enectum raro in conspectum venit, cum animal consuetudine lacescitum illud extemplo rursus deglutiat; et ventriculorum constrictio validissima atque eructatio celerrima sit necesse est, si pabuli quid re vera extrudatur. Quare raro accidit, ut concrementa ingluvie ipsa vomitu eiiciantur, id quod clar. BLUMENEACH ¹⁴⁾ in exemplo narrat. In cane et homine aliter se res habet. Interna ventriculi superficies ubique aequalis et sensilis, eius structura simplex, et defectus sphincteris in cardia motui antiperistaltico facile cedunt, quare et homo et canis vere vomunt, ac ventriculi contenta libere eiiciunt.

Hominem vnicum fere ¹⁵⁾ animal esse, memoratu dignissimum est, qui a natura ad hunc motum non impulsus interdum ruminationi ¹⁶⁾ obnoxius est. An ille ventriculi motus ab huius conditione morbosa pendeat, an a consuetudine, an a peculiari, et adnata structura a statu sano aberrante proficiatur, dictu difficile est, dum haecce res

¹⁴⁾ l. c. p. 126.

¹⁵⁾ Num lepus ruminationi obnoxius sit? incertum est.

¹⁶⁾ G. BENTSCHNEIDER Dissert. de ruminatione humana. Gött. 1774. 4. I. PH. A. MAVER Dissert. de ruminatione humana. Erlang. 1792. 8. I. BUXTON Dissert. enarrans ruminationis humanae casum. Gött. 1802. 4.

hactenus nubibus obuoluta latet ¹⁷⁾. In consuetudinem omnino culpam conicere possumus. Ego ipse cibos cum vi e ventriculo in os propellere semel tentavi. Factum est nixu diaphragmatis et musculorum abdominalium, et pluries nonnullos bolos eructare potui. Qui tamen nixus tanta attulerat incommoda, vt per plures dies, quotiescunque cibos caperem, propensionem ad repellendos cibos sentirem, cui si indulgissem, in veram tandem ruminationem excedere forsan potuisset. Ex illo quoque casu, a clar. Buxton commemorato probari videtur, ruminationem humanam a consuetudine originem trahere posse, cum auctor expressis verbis monuit, illum descriptum hominem semper secunda fructum esse valetudine, nec vllum ventriculi vitium suspicionem monuisse.

§. XXXIV.

Tractus intestinorum comparatus in diuersis animalium classibus tum quoad formam et structuram, tum longitudinem et amplitudinem valde variat. In aliis nullum inter tenue et crassum discrimen obseruabis; vti in cane, mustela, marte, vrfo, lutra, erinaceo, talpa, et auibus; in aliis autem verum plus minusue magnum et distinctum. Eadem ratione totius tractus intestinorum longitudo a se inuicem valde discrepat, in aliis breuissimus e. g. auibus, in aliis longissimus cernitur. Intestinorum varietates e nostris animalibus a nobis obseruatae singulatim hic recenseamus.

¹⁷⁾ MORGAGNI de Sed. et Caus. morb. epist. XXIX. 4.

I. Intestinum tenue.

in equo longitudo ¹⁸⁾	72'	diametrus	2'' 2'''.
in pecore —	130'	—	1'' 10'''.
in sue —	56'	—	1'' 1½'''.
in cane —	6' 6''	—	7½'''.
in homine —	25'	—	1'' 6'''.

II. Intestinum coecum.

in equo longitudo ¹⁹⁾	5' 6''	latitudo	9½''.
in pecore —	2½'	—	4½''.
in sue —	8''	—	3½''.
in cane —	2''	—	4'''.
in homine —	3''	—	2½''.

III. Intestinum Colon et Rectum.

in equo coli longitudo ²⁰⁾ 12' et recti 12'.

Coli latitudo variat, quam §. VI. reperies, recti diametrus 3½''.

in pecore longitudo	32'	latitudo	4½''.
in sue —	15'	—	2½''.
in cane —	11''	—	10½'''.
in homine —	5'	—	3''.

Hisce proportionibus inter sese collatis, haec videmus.

1) Intestinum tenue in omnibus animalibus longius, et crassum brevius emicat. Si vero longitudinis proportionem

¹⁸⁾ In Asino et Zebra 36' 6'', haec breuitas a varia totius animalis magnitudine pendet, si equum respicias longe altiore.

¹⁹⁾ In Zebra 2' 5''.

²⁰⁾ In Zebra utrumque 19' 6''.

respicias, ex hac conicere potes, intestinum tenue eo brevius euadere, quo magis animalia carnibus vtantur, et vice versa. eo longius, quo magis vegetabilibus fruuntur. Quare in cane ²¹⁾ videbis breuissimum, vt et inter aues in carniuoris breuius quam graniuoris, et in piscibus omnino breuissimum. In sue et equo longitudo crescit, et in pecore summum attingit fastigium. Ratio, quare diuersamprehendimus longitudinem ab alimentis pendere videtur, quatenus haec plus minusue prompte resolui, et chylus aut celeriter aut pedetentim ex illis expedire et absorbi possit. Alimenta carnosae celerius, illa e vegetabilibus deprompta difficiliter chylum porrigunt. Vnde magna longitudinis inaequalitas, quae non ab animalis magnitudine, sed, vt verisimile est, ab alimentorum indole petenda est.

2) Intestini tenuis situs variat. Quod in carniuoris e. g. cane infimam abdominis regionem, crassum vero superiorem occupat. In nonnullis herbiuoris vice mutata intestinum tenue sursum et crassum deorsum conuersum est, vt in equo. Num huius situs causa forsan in eo quaerenda sit, quod in animalibus carniuoris tanta faecuum moles, quanta in herbiuoris, non coacernetur, nec in illis tantum crasso spatium, quam in his concedendum sit?

3) In nostris animalibus nullam distinctam pylori valvulam reperimus, sed meras rugas pylorum coarctantes.

4) Tunica muscularis in quocunque, quod dissecui, intestino tenui, aequali modo expansa fuit. Vidimus quoque

²¹⁾ In lupo 15' in fele 3' in vulpe 8' etc.

in eius superficie interna plicas, minus vero quam in homine eleuatas.

5) Intestinum coecum in animalibus quoad longitudinem et diametrum valde mutabile et inconstans cernitur. In quibusdam herbiuoris e. g. glire vsculento prorsus desideratur, vt et in nonnullis carniuoris. In aliis longissimum obseruatur, e. g. in lepore timido ²²⁾ et cuniculo. In Marmota capensi maiori intestino coeco alia parua adhaerent ²³⁾. Plurimis auibus duo sunt coeca, et in nonnullis tantum carniuoris desunt. In nostris animalibus equus coecum habet amplissimum, et canis minimum. In multis animalibus et homine scybalorum formatio in coeco incipere solet; quod in equo non accidit, et excrementa in statu fluido obseruantur. Sue excepto, in loco vbi intestinum tenue in crassum transit, nullam veram coli valuulam obseruabis, sed solas, vti in pyloro, plicas canalem angustantes. In reliquis animalibus praeter equum transitus, e coeco in colon liber est, qui vero in hoc valde contractus cernitur. Cur hic aditus angustus? Num ad retardandum celeriolem faecuum in colon affluxum? In equo colon muner, ab eo aliorum animalium discedenti praeesse videtur, in quibus destinatum est, chyli residuum a tenui relictum absorbere,

²²⁾ E duabus partibus constat, altera ampla iure coeci nomen fert, et 6'' longa; altera rotunda 6'' quoque longa, duriuscula crassior et glandulosa processus vermiformis speciem praese fert.

²³⁾ PALLAS Spicileg Zoolog. Tab. 3. Fig. 7. 8.

et praecipue vsum receptaculi explere, ad inutilia retinenda et paulatim extrudenda. Quare in hoc viscere absorptio ipsa plerumque cessat. Excrementa in aliis solidiora, in coeco equino liquidissima reperiuntur. Quae quidem maior liquendi indoles e duplici causa proficisci videtur, dum partim interna coeci superficies maiorem humorum aquosorum copiam prodat, partim alimenta ipsa celeriori cursu intestinum tenue peruagentur. Dum excrementa liquida colon transmigrent, pedetentim spissiora fiunt, vnde apparet absorptionem in colo magni esse momenti, et validiorem quam in aliis animalibus. Et insignis glandularum conglobatarum multitudo, quae per mesocolon equinum vndecunque in maiori, quam in aliis, copia disseminatae sunt, fortiorem absorptionem egregie demonstrant. Igitur aditus ad colon hanc ob causam a natura angustus factus est, vt excrementa resoluta lente intrent, lento deinde gradu colon percurrant, et materiae alibilis absorptio prorsus absoluat; quare in intestino recto scybalorum formatio primum inceptat, in aliis iam citius exorsa.

6) Colon in nostris animalibus diuersa ratione in conspectum venit. Cuius longitudo valde variat. In ruminantibus longissimum est, in reliquis longitudo ita decrescit, vt in cane *) breuissimum euadat. In equo maxima, tertio strato excepto, coli pars multas format cellulas, quae in pecore ob ligamentorum defectum plane deficiunt. In colo suillo minores et depressae apparent, in cane vero nullae. Num quod emolumentum adferat haec structura cellularis,

*) Ita etiam in fele 11'', in lupo 2', biæna 3', lynce 1' 3'', leone 3' 6'' etc.

in altero animali, quae alteri denegata est? In equo, quod animal herbiuorum est, cellulas praesentes, in pecore haud minus herbiuoro absentes, videmus. Num causa in eo lateat, quod excrementa vbi duriora eliminantur, in coli cellulis retineantur, et plus humorum absorptione amittant, et vice versa cellulae minus vtilis sint, vbi excrementa liquidiora euacuantur? Carniuora hisce prorsus carere possunt, dum alimenta in intestino tenui materia nutriente iam priuantur, in ingressu, in crassum spissiora apparent, et versus ani orificium duritiem quandam, assumunt. Si igitur crassum eadem esset indole et longitudine, vt in herbiuoris, excrementa tantam absque dubio duritiem obtinerent, vt nullo modo eiici possent.

§. XXXV.

Iam ad *comparationem hepatis, lienis et pancreatis* transeamus.

I. Hepar.

Excepto ventriculo et tractu intestinorum, in omnibus animalibus, tum quadrupedibus tum auibus et piscibus iecur offendimus, vnde elucescit, bilem ab eo secretam liquidum alimentis digerendis maxime necessarium esse. Nec minus reperimus hepar omnium viscerum longe ponderosissimum. In nostris animalibus huius pondus ita se habuit; in equo fuit $9\frac{3}{4}$ libr., in pecore $8\frac{1}{2}$ –10, in sue 2 libr., in cane $10\frac{1}{2}$ vnc., in homine 45 vnc. teste HALLERO ²⁴), vnde apparet, iecinoris pondus, si cum eo totius animalis

²⁴) Elem. phys. Tom. VI. p. 455.

compares, haud parum in quadam proportione esse. Deinde animaduertimus, in animalibus hepar vario modo diffusum esse, et plures vel minores lobos prodere. Hae diuersae fissurae in secernendam bilem haud magnam vim exserere, et potius hepar in iis animalibus, quae celeriter cursitant, et inter currendum partem corporis posticam antrorsum proiciunt, magis lobulatum apparere videatur, vt reliquis visceribus facile cedere possit. Quare hepar in cane, lepore, muribus, rattis aliisque magis fissum obseruatur. Memoratu dignum est, in aliis animalibus vesiculam felleam reperiri, quae in aliis deficit. Sic in equo abest, aliaque huius defectus exempla Ill. HALLER collegit ²⁵). Nonne exinde appareat, bilem ab hepate equino iam perfectiorem secerni, nec proprio receptaculo egere, vt magis concentratur, maioremque vim accipiat?

II. *Splen.*

Hoc viscus in quadrupedibus cernitur, vbi hepar adest. In iis lienis pondus cum eo hepatis quodammodo in proportionem est, quare in nostris animalibus sequentem proportionemprehendimus. In equo pondus fuit $2\frac{3}{4}$ libr., in pecore $1\frac{1}{2}$ ad 2, in sue 6 vnc., in cane $2\frac{1}{2}$ drachm., in homine secundum HALLERVM $6\frac{1}{2}$ - 16 vnc. Attamen lienis et hepatis tum ambitus tum pondus ita variant, vt certi quid proponere nequeas.

III. *Pancreas.*

Hoc viscus occurrit in omnibus quadrupedibus, et in auiibus, vbi subinde duplex apparet. Varia pancreatis figura

²⁵) Elem. phys. T. VI. p. 519.

ad succi pancreatici secretionem nil conferre videtur, quae potius a duodeni curvaturis pendet. In multis animalibus ductus pancreaticus simplex est, ut in pecore, ovine, mure, in aliis duplex ut in cane, equo, avibus ²⁶). In equo pondus erat 20 vnc. — In sue pondus $2\frac{1}{2}$ vnc. — In cane pondus 1 vnc. — In homine teste Hallero $2\frac{1}{2}$ — 6 vnc.

§. XXXVI.

Animalibus herbiuoris, carniuoris et omniuoris inter sese collatis, ex hac comparatione redundat, graua et peculiaria in tractus intestinorum structura discrimina existere, minora in reliquorum compage, succos pro cibis digerendis tantum offerentium. Quae tamen non inter herbiuororum solum et carniuororum intestina, sed inter ea etiam herbiuororum ipsa deprehenduntur. Nonne exinde concludere licet, herbas vario modo degeri posse, variasque adesse digerendi facultates? Quod quidem excrementorum adspectus probare videtur. Quantum scybala equina differunt ab iis pecoris, quoad formam, colorem, odorem et spissitudinem. Avium excrementa ut et piscium ab aliis valde secedunt. Nonne haec experta cum sententia proposita congruant? Quamuis nonnulli non sine veritatis specie contendunt, quodcunque animal ob peculiarem intestinorum structuram propriis alimentis adstringi: tamen expertum, quod cuiuslibet animalis canalibus alimenta proprio modo mutandi viam habeat, illorum sententiam euertere videtur. Quin immo experientia huic assensum denegat, dum monstrat, animalia consuetudine

²⁶) HALLER l. c. p. 440.

coacta, vſitatum pabulum relinquere, et alimenta deuorare, quae canalis cibarii ſtructurae eiusque viribus non congrua, quin inmo hiſce prorſus oppoſita ſuſpicari poſſis.

Nonnulla exempla, vt dicta firmemus, hic proponimus. Animalia non ruminantia carnibus adſueſcere poſſunt, et memoratu ſimul dignum eſt, ea quoque carnem herbis praeferre. SAM HEARNE ²⁷⁾ commemorat, caſiores manſuetos et domatos carnibus frui. ADIANI ²⁸⁾ refert: "Herotas et Gedruſios fama eſt, tanquam foenum piſces equis edendos obii cere. Celtas etiam audio boues et equos piſcibus alere, et nonnulli quoque teſtantur, Macedones et Lydos piſcibus equos ſuos paſcere, ac nimirum oues Lydiae et Macedoniae ex iisdem pingueſcere dicuntur." GEORGI ²⁹⁾ narrat equum ³⁰⁾ fuiſſe carniuorum, oſireas edulas comedentem. Eadem ratione gallinae araneos, infecta, lumbricos et carnem conciſam deuorant.

Altera ex parte ruminantia herbis contenta videmus, quae tamen vel fame incitata, vel hominum vi laceſſita carni adſueſcunt. Ita narrat STRABO ³¹⁾ "apud Garamantes oues carne et lacte nutriuntur, praefertim in locis Aethiopiae vicinis." Deinde Marcus Polo ³²⁾ "in prouincia Aden equi, boves, cameli atque oues veſcuntur piſcibus, qui quotidianus

²⁷⁾ In journey from Hudſonsbay to the northern Ocean, p. 244.

²⁸⁾ Hiſt. animal XV. cap. 25.

²⁹⁾ *Reiſen in Ruſſland*. Tom. I.

³⁰⁾ TYSON in phil. tranſact. N. 269. RADZIWIL iter palaefi. p. 215.

³¹⁾ Cap. 17.

³²⁾ Lib. III. Cap. 46. p. 162.

illorum sunt cibus, quum illic ob immensum calorem herbae et frumenta ex terra haberi non possint. Hos pisces siccant, et seruant, atque per totum annum animalibus edendis pabuli loco proponunt. Vescuntur autem animalia libentius desiccatis piscibus quam recentibus." Ita monet I. WILLOCK³³⁾ ipse meis oculis superiori anno sub autumno et pecora et armenta in campis locustis saginari vidi. In Sibiria praecipue Ochotzk, vt narrat GAVER³⁴⁾, pecus piscibus vescitur, quos libentius quam foenum comedit³⁵⁾. Ego ipse scio, Norwegiae pecus ossibus et piscium spinis pasci.

Ast vice versa experientia docet, carniuora vegetabilibus insuescere posse. Sic nauigatores³⁶⁾ narrant, canes in Insula Otaheite fructibus ali; quin immo uvis, pyris et malis³⁷⁾ vitam sustentant, et pane, quod quisque quotidie obseruat. Felis leguminibus et pane vescitur.

Alia quoque carniuora vegetabilibus absque dubio insuescerent, si illa domaremus, iisque vt animalia domestica vteremur.

Nihilominus in hac classe omittendum non est, vegetabilia prius, quam animalia hisce vescantur, praeparanda esse,

³³⁾ Dial. de locustis 1543. p. 322.

³⁴⁾ In account of Billings' expedition. pag. 41.

³⁵⁾ Ita apud Tartaros hist. de Chinois. p. 82. circa Mascate Ovington voyag. T. II. p. 130. — Oves in Islandia. Horrebow de Island. p. 229.

³⁶⁾ HAWKESWORTH'S collection of voyages to the south seas. T. II. p. 197.

³⁷⁾ REAUMUR mêm. de 1752. p. 491.

et olera herbasque, ab iis raro vel nunquam cruda deuorari, id quod ventriculi structura etiam vetare videtur.

§. XXXVII.

Homo vt animal omniuorum censetur, qui per omnem terrarum orbem quasi diffusus et explicatus, sub quocunque coelo vitam sustentat, et alimentis, quae esui apta quaecunque regio porrigit, promiscue vescitur. Egregiis, quos regiones calidiores offerunt, fructibus magis, quam carne oblectatur, et sub coelo frigidiori, incrementum et vegetationem supprimente, carnibus magis vtitur. Vel comedat meras carnes ³⁸⁾, vel mera olera ³⁹⁾, vel alimenta ex utroque parata, recte semper valet, et saluus viuit. Quare nonnulli contendunt, hominis organa digerentia ea esse indole, vt quoad structuram inter herbiuora et carniuora medium te-

³⁸⁾ Multae gentes nil nisi carnibus vescuntur. E. g. Thibetani PALLAS *Reisen*. Tom. I. p. 319. STEWART account of the kingdom of Thibet. — Buräti, Kamtschadali GEORGI *Beschreibung der Nationen des Russischen Reichs*. p. 368. PALLAS *über die mongolischen Völkerschaften*. Tom. I. p. 170 181. — Groenlandi CRANZ *Historie von Grönland*. p. 81. 179. pluresque populi, quos CLAR. MEINERS in *Grundriss der Geschichte der Menschheit*. LEMGO, 1793. 8. cumulauit.

³⁹⁾ E. g. Bramini in India orientali BERNIER *voyages*. T. II. p. 25. incolae plurimi in Insula Otaheite. FORSTER observations during a voyage round the world. p. 315. CLAR. MEINERS l. c. p. 142.

neant, quin immo e structura herbiuoris similiori sequi, hominem ad vegetabilia magis quam ad carnes compelli ⁴⁰⁾.

Primum dentium structuram illi respiciunt. In herbiuoris dentium molarium corona plana, in carniuoris magis accuminata cernitur. Cum hominis molares iis herbiuororum similiores sint, ex hac indole concludunt, hominem ad diætā vegetabilem propensorem esse. At homo molaribus acutis non eget ad masticandas carnes etiam crudas; carniuoris vero natura idcirco acutiores donauit, ut ossa infringere et contundere possint. Num anibus carniuoris sunt dentes molares acuti? Clariss. HALLER ⁴¹⁾ inquit: "dentes cum equo conueniunt, cum caninos paucos, plures molares homo habeat, tricuspides vero, quales carniuora animalia nullos. Non adeo natus esse ad ossa dentibus confringenda, nempe non esse rapax animal." Quod homini etiam non opus est, qui mente sana praeditus, alimēta carnosā, ut decet, parare et componere potest. Et ex dentium humanorum forma luculenter apparet, hominem pro duplici victu esse destinatum ⁴²⁾.

Porro ad stabiliendam eorum sententiam ventriculus in medium profertur. Ill. HALLER ⁴³⁾ dicit: "Ventriculus etiam in equo herbiuoro humani est similis, tum in porco, ex sua

⁴⁰⁾ Quod praecipue contenderunt, WALLIS philosoph. transact. N. 269. ROUSSEAU traite de l'égalité. not. 4. COCCU de victu pythagorico et alii.

⁴¹⁾ Elem. physiol. Tom. VI. p. 190.

⁴²⁾ Clar. BLUMENBACH instit. phys. 335 seq.

⁴³⁾ Elem. physiol. l. c. — aliis quoque locis de similitudine ventriculi equini cum humano loquitur; in *Götting. gelehrten Anzeigen*. 1772. — p. 902.

natura radicibus et fructibus arborum viventi." Si quis vero ventriculum equinum attento animo dissecuerit, magnum inter illum et humanum discrimen certe reperit, et convinctus erit, talem comparisonem nullo modo admitti posse. Legas quaeso descriptionem supra dictam, et compares utrumque ventriculum, discrimina maximi momenti reperiēs. Neque comparatio cum ventriculo suillo locum habet, dum superficies utriusque interna valde a se discrepet. Multo magis comparisonem inter humanum et caninum aliorumque animalium carnivororum ventriculum concedimus. In utroque, etiam si forma variet, aequalis appareat structura, quae diætam animale[m] magis innuit.

Neque dentes neque ventriculus arguunt, hominem vegetabilia carnibus praeferre. Sed si intestina contemplerur, multa reuera similia quoad structuram inter hominem et herbiuora deprehendimus. Hic eos non repugnamus, organa hominis digerentia medium tenere contendentes. Nam verum animaduertimus discrimen inter intestinum tenue et crassum, utrumque brevius apparet, quam in herbiuoris, et longius, quam in carnivore. At comparatio ista ulterius profequi nefas est.

III. HALLER ⁴⁴⁾ dicit: "carnivore coecum intestinum breve et curvum, herbiuoris plerumque longum est, et grande." Sed supra iam monuimus, coecum quoad longitudinem in variis animalibus tum carnivore, tum herbiuoris valde mutari, quin immo in utraque classi desiderari; comparatio itaque locum non habet. Neque coli cellulae probant, ani-

⁴⁴⁾ L. c. p. 190.

mal quoddam pro diæta vegetabili constitutum esse, quæ, quamvis in carniuoris absint, in pecore etiam deficiunt.

Tandem si in omnia oculos coniciamus, hæc nobis se offerunt. In multis organorum tum herbiuororum tum carniuororum digestionem inferientium, locis vera discrimina dominari, et cupidinem insitam animalia ad alimenta, eorum corpori maxime congrua, trahere negandum non est. Sed vi et necessitate laceßita, sine corporis detrimento contrariam viuendi rationem agere possunt. Vnde elucescit, eadem, etiamsi partes dinerßissimæ formatae sint, alimenta cum fructu adhiberi posse. Quæ quidem experientia in homine optime conspicitur, qui sana mente comitatus, vtramque alimentorum classem in suum commodum conuertit. An vero in statu suo inculto et rudi prius herbis et deinde carnibus vsus sit, ex eius structura non affulget. Vtrumque forsan accidere potest, quod in gentibus maxime incultis adhucprehendimus.

TABVLARVM EXPLICATIO.

Tabula prima.

Aperto equi abdomine naturalis intestini coeci, et quorundam coli firatorum situs in conspectum venit, qui a Clar. BUFFON minus egregie delineatus videtur. Quem ut probe spectare possis, equum in horizontali linea deicias necesse est, ne, facta incisione, intestina huc illucue prolabantur.

- A. Intestinum caecum in situ naturali.
- B. Stratum coli primum.
- C. Pars quarti strati, quae aperto abdomine emergit.
- D. Stratum coli secundum.

Tabula secunda.

Figura I.

Equi tum intestino tenui tum crasso remotis, ventriculi et duodeni in statu inflato, et pancreatis situs apparet. Hepar quoque in oculos incidit.

- A. Ventriculus.
- B. Pylorus.
- C. Ramus transuersalis anterior duodeni.
- D. Curuatura sacciformis duodeni.
- E. Pars longitudinalis duodeni.
- F. Ramus duodeni transuersalis posterior.
- G. Ramus transuersalis pancreatis.
- H. Ramus longitudinalis pancreatis.
- I. Hepar in situ naturali.
- K. Splen in situ.

Figura II.

Superficiem ventriculi equini internam efflingit.

- A. Membrana ventriculi tendinosa ab oesophago proficiscens.
- B. Altera membrana ventriculi interna a duodeno adscendens.
- C. Margo nexum vtriusque membranae indicans.
- D. Locus, vbi tendinosa soluta et reflexa est, vt vtriusque membranae discrimen cernere possis.
- E. Plicae in curuatura duodeni sacciformi.
- F. Pars interna oesophagi, vbi plicae longitudinales conspiciuntur.

Figura III.

Superficies hepatis equini posterior depicta apparet.

- A. Lobus hepatis dexter.
- B. Sinus pro rene dextro ibi collocato.
- C. Angulus superior, vbi vena caua in hepar ingreditur.
- D. Lobulus pyramidalis dextro adhaerens.
- E. Sulcus in quo duodenum decurrit.
- F. Lobus sinister.
- G. Lobus medius.
- H. Massa quaedam, vbi tres lobi confluunt.
- I. Hepatis porta.
- K. Vena portarum.

Tabula tertia.

Figura I.

Depictus est ex cane situs ventriculi, duodeni, coeci, coli, recti, et pancreatis Afellii.

Pars quoque hepatis cerni potest.

- A. Ventriculus in situ naturali.
- B. Ramus transuersalis anterior duodeni.
- C. Pars longitudinalis.
- D. Ramus transuersalis duodeni posterior.
- E. Finis duodeni, qui in curuatura a coeco et coli initio facta, latet.
- F. Transitus intestini tenuis in crassum.
- G. Situs intestini coeci.
- H. Initium coli.

- I. Finis coli.
- K. Intestinum rectum.
- L. Pancreas Asellii.
- M. Lien.
- N. Hepar in situ.

Figura II.


In hac Figura easdem, quas in praecedente, partes videbis, scilicet ventriculum, duodenum, coecum, pancreas Asellii, et totum coli decursum. Quae tamen Figura e maiori et robusto cane deprompta, alium harum partium situm et decursum indicat.

- A. Ventriculus.
- B. Pars longitudinalis duodeni.
- C. Ramus transuersalis posterior, vbi intectus antroorsum procedit, et in intestinum tenue abit. Totus duodeni decursus hic apertus cernitur.
- D. Intestinum coecum in alio situ.
- E. Alius coli decursus, ab eo in figura prima depictus abhorrens.
- F. Finis intestini tenuis.

Figura III.

Habitus ventriculi canini externus in statu inflato.

- A. Pars ventriculi globosa.
 - B. Pars ventriculi, vbi gracilescit, et in duodenum abit.
-






F. 2.




F. 1.



F. 3.






F. 3.



F. 2.



F. 1.



